

የሀኒሰኒ ራእ ጋችግሩ

የሀኒሰኒ ራእ ትቼናሰ ክርስታናንኒ ሜያ የሱሰ ክርስቶስ ዳምቤሰ ሰንባሶን አማነሴቴ ቦርኦ ካቡግቶነዋ ሻናነ ባሶስታ ካርና ካባሲክዋ። ትች ባር ማኮክ ሾሌናሰ ፌሬትሴፌ ባሶ አብድቤሲሰ ቱማ ሰናናክ ትኑክናዋ ባሶስታ ካርኒ ካቡግቶሲክናዋ ሻናሲክና አማንቶቤሲሲክ ዛግ ሰናነክናዋ።

ሀን ማፃፋሲ እርኪ ሰና ባግቶሰሲ ሾዎ ቱስቶባ ፋና ራእሲክቶናነዋ አምማኖን ኬሰሴ ቤስቶነ ኤጰ። ራእሲክቶ ደይ ኤሰ ነያሲክ ፌሴ አማኝኒ ሜያኖን ያዳሶክ ችሞነር፤ ሰኑንታኖ አምኒ ሜያክ እቾ ችዋ ሰንና ፎኒ ሱራኒ ቤሶክ ማክቴርዋ። ጋማሲ ዘንሲያኖን ዎሉግቴፋፋ ጋምቴፋናሲማቶ ሀን ማፃፋሲ ኤዴሲ ሾዎ ቱሳ ራእሰኪ ካሞ ሾዎ ኡግናክ ሄፓ ሄፓ ዎልታፋ ማክቴዋ። ማፃፋሲ ኮታኒ ችዋሲክ ሾዎ ቱሳ ሳፋራ ፋር ሰንፋናክኑ እርኪ ሰና ሳፋራሰ አምማዋ። ኤሲሰ ደይ ሀኑሰ ዳም ክርስቶስኒኪ ካሞ ሄፕሳ ዎሉኖይና ኡግናክ እሳርጋ ኮእሰራ ሴጣናሶን ጌዳ ጉማባሰን ዙትሬ ሜርና፤ ኬጀሬ ሜርሰ ደይ ኮእናኔን ኦርፎ አማናምቶ ሰና ባሶክ ጋድዶ ሳማሴዋ ጋድዶ ዳሴ አሲ ኤባኖን እማና ይፋ ባርዋ።

ማፃፋሰ ሰሩክ ኤጵና ኤጶባሰ

ጋችግሩ 1:1-8

ራእሲ ጋችነዋ ናፋን ቤቴክርስታኒሲክቶክ ዎስቴ ዎሲያሲክቶነ
1:9—3:22

ማፃፋሴዋ ናፋን ማታማሲክቶነ 4:1—8:1

ናፋን ማርካታሲክቶ 8:2—11:19

ዳርቦሴዋ ሄፕ ጎቼሲክቶነ 12:1—13:18

ሾዎ ቱሳ ራእሲክቶ 14:1—15:8

ሀኑሲ ናፋን ግእኒ ቶፎሲክቶ 16:1-21

ባብሎንኒ ትሹ፤ ጎቼሰ፤ ኤሽኛ ራጁሰናዋ ዳቡሎስና አሲ
ሜርቶ 17:1—20:10

ኮእኒ ማቫሱኒ ካርኦ 20:11-15

ጋድዶ ሳማ፤ ጋድዶ ዳ፤ ጋድዶ የሩሳሌም 21:1—22:5

ኮርኡባ 22:6-21

1 ሀን ራእሰ ታእ ዋናሰሲ ሰንኒ ችዋሶን ዋሰትኛባሳክቶኒክ ቤሱናክ ሀኦሰ የሱሰ ክርሰቶሰኒክ እምናርዋ፤ የሱሰ ክርሰቶሰ ደይ ባሳ ዋሲያሶን ዋሲሬ ሀኦሲ ዋሰትኛ ሰንና የሀኪሲኒክ እምማኖን ኪሰሬ ቤሰ።

2 የሀኪሰ ደይ ሀኦሲ ካማኖንናዋ የሱሰ ክርሰቶሰ ማኬና ዛላሶንና፤ ኤሲሰማቶ ደይ ባር ቢና ዉዛ ዙታምባሴ አሲን ዛላ ማኬ።

3 ኤሰ ባር ዙታምባሴ ኮኡና ዋናሰ ታእ ሰንና ቦርእ ሀን ራጅኒ ካማሶን ፌሬትፌ ባር ሱሰቶዋ። ኤሲሰማቶ ደይ ራጅኒ ካማሶን ኦደሴፌ ባሶናዋ ራጅኒ ማፃፋሰሲ ትቼ ባርን ዛግሴፌ ባሶና ደይ ሱሰቶዋ።

ኢሰያክ 4 ናፋን ቤቴክርሰታኒሲክቶክ ዋሰቴ ናጋኒ ኦሾ

4-5 የሀኪሲኒከን ኢሰያከ ናፋን ቤቴክርሰታኒሲክቶክ፤ ዘምሜ ፌይሰኪን፤ ፌ ባርከንናዋ፤ የኒ ሀኦሰኪን፤ ዝግጦሲ ሰና ፋሴ ናፋን እያናሲክቶኪን፤ ኤሲሰማቶ ደይ ክቱን ካቡባሲክ ኡዙን ሰና ሀን ዳሰ ታቶኒ ሜኒ አእሰኛ፤ አማናዎቶ ዛል፤ እኖትን ሹንነ ሀርንባሲክ ቦርኒሰን ብርማዲምማ ክሲ የሱሰ ክርሰቶሰኒ ኦትማሴዋ ናጋሴ ንቶክ ሰንፋውቻ።

6 የሱሰ ክርሰቶሰኒ አባ ሀኦሲክ ዋሰትኛ ሰናኒክ እኖትን ታቶሲ ማግኒ ሜያ ዛግ የሱሰ ክርሰቶሰኒክ ኮእባ ፎንቶኖን ኡልፍነዋ ሁግናን ባሪክ ሰንፋውቻ! አሚን!።

7 ኤሴ ሳማኪ ሻሩሰታ ካሞ የኒር፤ ባሪን ኬጃ አሱኒ ሜያኑ ፋእቶኖይ አሱ ዙቴሬ ባሪን ብያናዋ፤ ሀን ዳሰታኪ ዳራኒ ሜያ ዙቴሬ ባሳ ቦርእ ዋሶነዋ፤ ኤሰ ባር ደይ ፋቶዋ፤ አሚን!

8 ፌይሰ፡ ፌ ባር፡ የኒ ባርናዋ ዙታምባሴ አሲን ችምፌ ዳም ሀኦሰ «አልፋነዋ ኦሜጋነ፤ ቴሱኒ ባርናዋ ኮእኒ ባርና ታዋ» ይፌ።

ክርሰቶሰ ራእክ እምማኖን ቤሰቴ

9 የሱሰ ክርሰቶሰኒ ሻሩሶንናዋ ባሳ ታቶሶንና፤ ኤሲሰማቶ ደይ ፋኪባሶን ንቶኔን አነ ሃኤር ሰና ንቶ አይ ሲና ታ የሀኪሰ ሀኦሲ ካምኒ ችዋክናዋ የሱሰኒ ዛላሲ ችዋክና ታቴራ ፍጢሞ ይሰቴ አካኒ ጋነሲ ኩኒ ዳታቱ ፋን።

10 ዳሚሳ ዋናክ እያናክ ቴምማ ፋና ማርካታኒ ካማነ ፋ አካማ ካማ ኦርፎናሰታ፡-

11 «ቢታ ባርን ማፃፋሰታ ትቹራ ናፋን ቤቴክርሰታኒሲክቶክ ኤሲሰ ደይ ኤፌሶኒክ፡ ሴሜርነሲክ፡ ፐርጋሞኒክ፡ ትያትሮኒክ፡ ሴርደሲክ፡ ፍላደልፍያክናዋ ሎዶቅያክና ዋሱዋ» ይፌን ኦደን።

12 ታክ ማኬፌስ ኦ ሰንናማቶ አሩናክ ኦርፎ የርቀን፤ የርቀፋና ካባሲክ ዋርቄኒ ናፋን ሜቅሬዚሶን * ቢን።

13 ኤስ ሜቅሬዚሲ ጋነሲ አሱኒ ናነ ፌ አሱኒን ቢን፤ ባር ሃምማ ዋቸባሰታኔን ካርአ ድቻ ማማ ማዮ፤ ንባሰታ ደይ ዋርቄኒ ታልፋ ታርአ።

14 ቴትባሴዋ ሶምባሴ እርኒ ሸእነ ፋ ፎር፤ አፍባሰ ደይ ጌኒ ዊኖነ ፋር።

15 ዋቸባሰ ደይ ጌኒ ካዮሰን ኬሳ ናሰኒ ብታነ ፋር፤ ካምባሰ ደይ አካማኖን ጎሴት ኩኒ አካኒ ፋሳሲ ካማነ ፋር።

16 ሆእታ ኩሹባሰሲ ናፋን ባኩራሲክቶኖን ኤጰ፤ ካድባሰ ሄፕክ ኮግቶ ሲፎ ኖኖባሰን ኬሰድፋር፤ ሰንባሰ ዙቴራ አካማኖን ፓልፓልት ፋ አዉኒ ቻሬፋነ ፋር።

17 ቢናይሴ ክቱ አሱነ ፌር ሰንና ዋቸባሰሲ ጋነደን፤ ሰኩንታኖ ባር ሆእታ ኩሹባሰን ታይሰታ ታእሬ ኤካ ይ፡- «ድጎታታዋ፤ ቴሱኒሰናዋ ኮእኒሰና ታዋ።

18 ታ ሀየውዋ፤ ዜሞ ኪትን፤ ሰኩንታኖ ኮእባ ፎንቶኖን ታ ሀየውዋ፤ ክቱሰታናዋ ኬኦኒ ድማሰታና ሀእሱኒ ሁግናና ፋርዋ።

19 ኤሴ ኤሰ ቢታ ዉዛሶን፤ ሀሽ ፋ ባርንናዋ ዋልት ዮኒ ባርንና ትቹዋ።

20 ሆእታ ኩሹናሰሲ ቢታ ናፋን ባኩራሴዋ ናፋን ዋርቄኒ ሜቅሬዚሴ አሲ አቾ ችዋ ሀኒሰዋ፤ ናፋን ባኩራሲክቶ ናፋን ቤቴክርሰታኒሲክቶክ ዋሰቴ ሀኒኒ ዋሲያዋ፤ ናፋን ሜቅሬዚሲክቶ ናፋን ቤቴክርሰታኒሲክቶዋ።»

2

ኤፌሶንኪ ቤቴክርሰታኒሲክ

1 ኤፌሶንኪ ቤቴክርሰታኒን ሀኦሲ ዋሲያክ ኤካ ይራ ዋሱዋ፡- «ሀን ናፋን ባኩራሲክቶኖን ሆእታ ኩሹባሰሲ ኤጰ ባርኪንናዋ ዋርቄኒ ሜቅሬዚሲክቶኒ ጋነያሰሲ ኩትፌ ባርኪንና ማክቴ ዋሲያ።

2 ዋሰቶኔሶን፤ ካቦኔሶንና ፋክኔሶንና አሪፋውቾዋ፤ ደይ ማቼኒ ሜያኖን ቤለሸክ ቢራ ኣነ ቤየ፤ ዋሲኒ ሜያ ሰንኖይ እንኖ ዋሲ ይሴፌ ባሶትን ቱእኒራ ኤሽኛ ሰነቴን ዳንታማቶ አሪፋውቾዋ።

* 1:12 ሜቅሬዝ ኤስ ቶና ዲፋና ዉዛ ኤዋ

3 ፋክያክ ችምኔሶንናዎ ታ ሱናሲክ ሻናሶን ኦምቶኖይ ኤጴቶኔሶንና አሪፋውኙዋ።

4 ሰኑንታኖ ታ ኔን እሳ ዌኦናዉዛ ፋርዋ፤ ኤሲሰ ደይ ዜሞቲ ኬሽታኔሶን ቤይትዋ።

5 እዉነ ፋ ቲጋ ድማሰታን ጋንደታማቶ ያዳቶዋ፤ ሀርሞራ ዜሞቲ ዛግት ፋታ ባሮን ዛጉዋ። ሰኑንታኖ ኤሰ ባሮን ዙትራ ዛጉ ሻካታን ታ ኔኪ ዮናር፤ ሀርሙ ሻካታን ሜቅሬዝኔሶን ኤሰ ድምባሰታን ካብጉና።

6 ሰኑንታኖ ማእ ዉዝነ ፋርዋ፤ ኤሲሰ ደይ ታ ኦምቴፋና ንቆላዊኒ ሜኒ ዋሰቶሶን ነ ደይ ኦምቴትዋ።

7 «እያና ቤቴክርሰታኒሲክቶክ ማኬፋና ባሮን ኦዶባ ፌና ባር ኦዶዎዋ! ኔቤሬ ሜሮኒ ባሪክ ሀኦሲ ገነቲሲ ፋ ካኒ እኦሲ ጋናኖን ሙናክ ዛጉናዋ።»

ሴሜርነሲክኪ ቤቴክርሰታኒሲክ

8 «ሴሜርነሲኒ ቤቴክርሰታኒን ሀኦሲ ዋሲያክ ኤካ ይራ ትቹዋ፡-

«ሀን ባር ቴሱኒሰናዎ ኮእኒሰና፤ ደይ ክትፋት ክንኒ ካብሬ ሀየዉ ሰና ባርኪን ማክቴ ዋሲያዋ።

9 ሻናኔሶንናዎ ቱካምኔሶንና አሪፋን፤ ሰኑንታኖ ነ ኦቱምዋ፤ አይሁድ ሰንኖይ እንኖ አይሁድ ይሴፌ ሴጣናኒ ማባራ ሰና ባሶ ሱኔሶን ማግሰሴቴማቶ አሪፋን።

10 ነይሰታ ካርኒ ሻናሶን ድጎታታዋ፤ ኤሴ ንቶ ፋታንቶትክ ንቶሰን እሳ እሳይሰን ዳቡሎሰ ታቶኒ ኬር ጌድኒር፤ አሲር ዋና ሻና ኤጳቶሶትር፤ ሀማ ክቱታ ካርአታ ካባኔን አማናምቶ ሰን፤ ካኒ ዋሱማሶን ኔክ እማና።

11 «እያናሰ ቤቴክርሰታኒሲክቶክ ማኬፋና ባሮን ኦዶባ ፌና ባር ኦዶዎዋ! ኔቤሬ ሜሮኒ ባር ሄፕሳኒ ክቱሲክ ኦፋ ሚርአሞናዉዛ።

ፐርጋሞኒኪ ቤቴክርሰታኒሲክ

12 «ፐርጋሞንኪ ቤቴክርሰታኒን ሀኦሲ ዋሲያክ ኤካ ይራ ትቹዋ፡-

«ሀን ባር ካድባ ሄፕክ ኮግቶ ሲፎሶን ኩሹባሰሲ ኤጳ ባርኪን ማክቴር፤

13 ነ ሴጣናኒ ዝግሞሰ ፋና ድማሰታ ፎኔሶን አሪፋን፤ ሰኑንታኖ ሱንናሶን ዛግራ ኤጲትዋ፤ ታክ ፋ አማንቶኔሶን ኣነ ሞርሞዌ። አማናምቶ ዛልታ ሰና አንትጸሰ ሴጣና ፋፋና ንቶ ካታማሰሲ ዋርቴና ካባሲክኑ ታክ ፋ አማንቶኔሶን ኣነ ቤየ።

14 ስኑንታኖ ኔኪክ እሳ እሳ ኦምቴና ዉዛ ፋሴርዋ፤ ኤሲሰ ደይ ባላአምኒ አሰሱሶን ኤጶ እሳ እሳ አሱኒ ሜያ ንቶ ጋነያሰሲ ፊሴቴርዋ፤ ኤሰ ባላአም እሰራኤልኒ ዳራሰ ኮሎክ እምቴ ሙሶን ሜሴሬ ጌርኬሴሬ ቱሳሶነክ ባላቅኒን ኪቲ አሱዋ።

15 ኤሲሰማቶ ንቆላዊኒ ሜኒ አሰሱሶን ኤጶቴሴ አሱኒ ሜያ ንቶ ጋነያሰሲ ፊሴቴርዋ።

16 ኤሰ ባሪ ቦርኣ ሀርሙዋ፤ ኤሰ ባሮን ሻካታነ ታፕቴራ ኔኪ ያራ ኖናሰን ኬሰፋ ሲፎነ ፋ ካማሲክ ባሶትን ኔቦናዋ።

17 «አያናሰ ቤቴክርሰታኒሲክቶክ ማኬፋና ባሮን ኦዶባ ፊና ባር ኦዶዋዋ፤ ኔቤሬ ሜርኒ ባሪክ ኣቸራ ፋ ማንናሶን እማና፤ ጋድዶ ሱንና ባርሰታ ትቼና ፎሮ ሹኣ ደይ ባሪክ እማና፤ ኤሰ ባሮን አሩኒሰ ኤጶኒ ባርቴኖ ኦም ኦኑ አፊዋ።

ትያትሮንኪ ቤቴክርሰታኒሲክ

18 «ትያትሮንኪ ቤቴክርሰታኒን ሀኒሲ ዋሲያክ ኤካ ይራ ትቼዋ፡-

«ሀን ዋሲያሰ ጌኒ ዊኖነ ፋ ኣፍባ ፋና ባርኪንናዋ ካዎ ጌሲ ግርራ ኬሳ ናሰኒ ብታነ ፋ ዎቾባ ፋና ሀኒሲ ናኒክንና ማክቴርዋ።

19 ዋሰቶኔሶን፣ ኬሽታኔሶን፣ አማንቶኔሶን፣ ሀኒሲክ ፋ ዋሰቶኔሶን፣ ፋኪያክ ትምኔሶን አሪፋውኛዋ፤ ዜምቲ ዋሰቶኔሶን ሀሽቲ ባር አሪኪር ሰንናማቶ አሪፋውኛዋ።

20 ስኑንታኖ ኔኪክ እሳ እሳ ኦምቴና ዉዛ ፋርዋ፤ ኤሲሰ ደይ ነታ ራጂ፤ ይፋ ማሽካሱ ኤልዛቤልኖን ቤለሽክ ብያት ቤይኔሰዋ፤ ባር ታ ዋሰትኛኣሳክቶ ጌርኬሶነክናዋ ኮሎሲክ እምቴ ሙሶን ሙሶነክና አሰሲራ ባሶትን ዳግሰ።

21 ሀርሙናክ ባሪክ ዋና እምን፤ ስኑንታኖ ባር ጌርኬሰባሰን ሀርምራ ዋሉናክ ኣነ ሹሎዋ።

22 ኤሰ ባሪ ቦርኣ ሻናኒ ኩጶሰታ ባሮን ሀኡናዋ፤ ባርኔን ኣነ ጌርኬሴፌ ባሶ ኤሰ ማኛ ዋሰቶቤሲሰን ሀርሙ ሻክሴፋቴነ አካማ ፋያ ሻና ባሶሰታ ቱሾና።

23 ናንጎትባሶን ደይ ክቱክ ኬኡና፤ ቤቴክርሰታኒሲክቶ ደይ ዙትራ አሱኒ ሜኒ ንባሶንናዋ ሳፋራሶንና ቱኣኒፊሰ ታ ሰንናማቶ አርሶና፤ እሳርኒት እሳርኒትሲክ ዋሰቶኒትሲማቶ ካሱናዋ።

24 «ትያትሮኑክ ፊሴ ንቶክናዋ ኤሰ ማኛ አሰሱሶን ኤጶቶኖይ ንቶ ዙታምኒትሴ፤ ኤሲሰማቶ ደይ እሳ እሳ ሜያ፡ «ሴጣናሰ ችማ ኣኛ ችዋዋ» ይሴፌ ባሶክ ዙኑሰቶኖይ ንቶክ ኦማ ባኣ ኣፋ ዋሱናዉዛ።

25 ስንፋናክቱ ታ ዮና ካባኔን ንቶኪክ ፋ ባሮን ማእሰራ ኤጵትዋ።

26 ኔቤሬ ሜሮኒ ባሪክ፤ ዋሰቶናሶን ዋሰቴሬ ኮእባ ካርኒ ባሪክ ዳራኒ ሜያኖን ሀእሱና ሁግና እማናዋ።

27 ላባታኒ ሃሮሲክ ባሶትን ሀእሱና፤ ሆቾ ኮዳኒማቶ ዛግሬ ክኤ ኤሱና ኤሰ ሀእሱኒ ሁግናሰ ታ አባታሰኪን ኤጵና ባርን ፋርዋ።

28 ዋን ኒ ማሰኮሰን ደይ ባሪክ እማና።

29 «እያናሰ ቤቴክርሰታኒሲክቶክ ማኬፋና ባሮን ኦዶባ ፊና ባር ኦዶዋዋ።»

3

ሴርደሰኪ ቤቴክርሰታኒሲክ

1 «ሴርደሰኪ ቤቴክርሰታኒን ሀኡሲ ዋሲያክ ኤካ ይራ ትቹዋ፡- ሀን ሀኡሲ ናፋን እያናሲክቶኖንናዋ ናፋን ባኩራሲክቶኖንና ኩሹባሰሲ ኤጳ ባርኪን ማክቴር። ዋሰቶኔሶን አሪፋን፤ ሱናክ ነ ሀየዉ፤ ሰኩንታኖ ክቲት።

2 ኤሰ ባሪ ቦርኣ ጉዙዋ፤ ክቲክ ካርኣ ባሮንናዋ ፋእቴ ጋሮ ሁግናኔሶንና ዛጉዋ፤ ሀኡናሲ ሰና ዋሰቶኔሰ ቱምን እነ ብዩት።

3 ኤሴ አሮ አሰሱ ኤጳ ታታማቶናዋ ኦዶታማቶና ያዳቶዋ፤ ደይ ኦዶ፤ ሀርሙ፤ ጉዙ ሻካታን ዊሰኒማቶ ኔኪ ዮና፤ ኣፋ ሳኦትሰታ ኔኪ ዮናማቶ ኣፋ አሩታዉዛ።

4 ሰኩንታኖ ማምቤሲሶን ኪንሱኖይ ፋድቤሰ ጋሮ አሱኒ ሜያ ሴርደሱክ ነኔን እነ ፊሴቴር። ባሶ ፎሮ ማያ ማዮክ ሾልሱ ሰንና ቦርኣ ፎሮ ማማ ማየሬ ታኔን እነ ሀሞሶነርዋ።

5 ኔቤሬ ሜሮኒ ባር ኤሰ ባሶሲማቶ ፎሮ ማማ ማያና፤ ሱንባሶን አባታሳ ሰናክናዋ ሀኡሲ ዋሲያክቶኒ ሰናክና አሪቶናክ ዛጉና፤ ሀየዉኒ ሜኒ ሱናሰ ትቹፋና ካኒ ማፃፋሰሲ ባሪን ኣፋ ኩኦ ትሽኩናዉዛ።

6 እያናሰ ቤቴክርሰታኒሲክቶክ ማኬፋና ባሮን ኦዶባ ፊና ባር ኦዶዋዋ።

ፍላደልፍያኪ ቤቴክርሰታኒሲክ

7 «ፍላደልፍያኪ ቤቴክርሰታኒን ሀኡሲ ዋሲያክ ኤካ ይራ ትቹዋ፡- ሀን ኮርቶ ሰንና ባርኪንናዋ ፋቶ ሰንና ባርኪንና፤ ዳዊትኒ ኬያሲ ጋቾኖን ኩሹባሰሲ ኤጳ ባርኪን ማክቴር፤ ባር ጋቾና ባሮን ኦኑ ኣፋ ኩልፋናዉዛ፤ ባር ኩልፍና ባሮን ኦኑ ኣፋ ጋቾናዉዛ።

8 «ዋስቶኔሶን አሪፋውኞቹ፤ ኤሴ ኦኑ ኩልፋናክ ችምኖይና ጋማላ ነ ሰንናሰታ ጋችኞቹ፤ ሁግናኔሰ ጋሮ ሰንባሶን አሪፋውኞቹ፤ ሰኑንታኖ ካምናሶን ኦድት፤ ሱንናሶን ደይ ኣነ ሞርሞዌዋ።

9 ኤሴ አይሁድ ሰንኖይ እንኖ አይሁድ ይሴፌ ኤሰ ሴጣናኒ ማባራሰን ሰና ኤሸኛኒ ሜያ ኔኪ ዩሴሬ ዋችኔሰሲ ጋንዶሶነክ ዛጉና፤ ደይ ታ ኔን ሹንናማቶ አሪሶነክ ዛጉናዋ።

10 ፋኪር ሰኻዋ ይት ማኬና ካምናሶን ኦድታ ቦርአ ታ ደይ ሀን ዳሰታክ ፌሴ ባሶትን ፋታኖናክ ሀን ዳ ዙታምባሴ አሲሰታ ዮኒ ሻናኒ ሳአትሰታክ ኔን ኦዳና።

11 ኤሴ ታፕቴራ ዮና፤ አክሊልኔሶን ኦኑ ነይሰታን ኤጵኖይናማቶ ኔኪ ፋ ባሮን ማእሰራ ኤጵዋ።

12 ኔሴሬ ሜርኒ ባሪን ሀኦናሲ ቤቴሜቅደሲሲ ዩቶ ዛጉና፤ ኤሰን አሳንነ አፋ ኬሳናዉዛ፤ ሀኦናሲ ሱናኖንናዋ ሀኦናሲ ካታማኒ ሱናኖንና ባሳሰታ ትቹና፤ ኤሰ ካታማሰ ደይ ሳማኪ ሀኦናሰከን ኬርኒ ጋድዶ ዩሩሳሌምዋ፤ ታ ጋድዶ ሱናሶን ደይ ባሳሰታ ትቹና።

13 «እያናሰ ቤቴክርሰታኒሲክቶክ ማኬፋና ባሮን ኦዶባ ፌና ባር ኦዶዋዋ።

ሎዶቅያኪ ቤቴክርሰታኒሲክ

14 «ሎዶቅያኪ ቤቴክርሰታኒን ሀኦሲ ዋሲያክ ኤካ ይራ ትቹዋ፡- ሀን አሚን ሰና አማናምቶ ደይ ፋቶ ዛል ሰና ባርኪን፤ ሀኦሰ ቴሰና ቴሰቶሰ ዙታምባሴ ባርኪ ካሞ ቤሰቴና ባርኪን ማክቴር።

15 ዋስቶኔሶን አሪፋውኞቹ፤ ኮች ወደይ ኪቹ ኣነ ሰነ፤ ኮች ወደይ ኪቹ ሰነት ሰንፋናነ ማእሪ ሰንናና ካባዋ።

16 ኮች ወደይ ኪቹ ሰና ቤይፋት ቦርአ ሰንታ ቦርአ ኖኖናሰሲን ክሰራ ቴጅናርዋ።

17 ታ ኦቱም፤ አካማ ኦቱምና ፋር፤ ታኪ ዮእ ዉዝና አፋ ይፋት። ሰኑንታኖ ነ ሚርአም፤ ራካቱ፤ ቱካም አፍትሹ ደይ አታቱ ሰንኔሶን ኣነ አሩዌዋ፤

18 ኦቱም ሰናታክ ጌሲ ፋልላ ኬሳ ዋርቄሶን ታኪን ዋጎታክ፤ አታቱ ሰንና ኢቹታ ባሮን ጌፓታክ ፎሮ ማማ ዋጎታክ፤ ብያ ችማታክ አፍኒ ኤታ ዋጌራ ዋቹታክ ኔን ኪትፋዉኞዋ።

19 ታ ሹንፋና ባሶትን ዙትራ ኬእናር ደይ ካጣሲናር። ኤሰ ባሪ ቦርአ ጉዙ፤ ሀርሙ።

20 ኤሴ ታ ፍኛአሲታ የሬፋት ክእና፤ እኩ ካምናሶን ኦዴሬ ጋማላሶን ጋችፋናነ ባርኪ ኬር ግሬራ ባርኔን እነ ሙ ሙና፤ ባር ደይ ታኔን እነ ሙና።

21 ታ ኔቤራ ሜሬራ አባታሰኔን እነ ዝግሞስታ ዲናሲማቶ ደይ ኔቤሬ ሜሮኒ ባር ታኔን እነ ዝግሞናሰታ ዲናክ ዛጉና።

22 እያና ቤቴክርሰታኒሲክቶክ ማኬፋና ባሮን ኦዶኒ ኦዶባ ፊና ባር አዶዋዋ።»

4

ሳማኪ ሀኪ ሺጶኒ ሰትሪ

1 ኤሴን ኦርፎ ሳማሰታክ ጋች ጋማላ ቢን፤ ዜምማ ኦደናሰ ማርካታኒ ካማነ ፋ ካማሰ፡- «ሀቫ ዮዋ፤ ሀኔንቲ ሰንኒ ወዛሲክቶኖን ኔክ ቤሱናዋ» ይ።

2 ጌሬጌሬ እያናክ ቱሚን፤ ሳማሰታክ ደይ ዝግሞ ቢን፤ ኤሴ ዝግሞስታ ደይ እሳር ዲፊን ቢን።

3 ኤሴ ዝግሞስታ ዲ ባሳ ግቶሰ ደይ እያሰጺድኒ እንቁነዋ ሴርድኖኒ እንቁነ ፋር፤ ዝግሞሲ ብራቶታ ሜርግድኒ እንቁነ ፋ አምሺሾ ፋር።

4 ኤሴሰማቶ ዝግሞሲ ብራቶታ ሄፓሰሬ አቼቹ ዝግሞ ዲሴፋር፤ ኤሴ ዝግሞሲክቶታ ፎሮ ማማ ማየሬ ቱትቤሲሰታ ደይ ዋርቄኒ አክሊል ጉፍሴ ሄፓሰሬ አቼቹ ኩርኡኒ ሜያ ዲሴፊር።

5 ኤሴ ዝግሞሰን ካዉናኔን ደዶኒ ካማነን ኬሰድፋር፤ ዝግሞሲ ሰንታ ሳሜት ድ ናፋን ቶና ፋሴር፤ ኤሴ ባርኪቶ ደይ ሀኪሲ እያናኒክቶዋ።

6 ዝግሞሰ ሰንታ ዎሽፋ ፓልፓሉ እንካልነ ፋ ባሃሪ ፋር፤ ዝግሞሲ ጋነታናዋ ብራቶባሰታና፤ ሰናክናዋ ኦርፎክና ሾዎ አፍባ ፋና አቼቹ ካባሬሬ ወዛ ፋሴር።

7 ቱሱኒ ካባሬሬ ወዛሰ ኤቶነ ፋር፤ ሄፕሳኒ ባር ደይ ጋቼዋነ ፋር፤ ኬዘሳኒ ባር ደይ አሱኒ ሰናነ ፋ ሰንባ ፋር፤ አቼቹሳኒ ባር ደይ ፋልት ሀማ አርማነ ፋር።

8 ካባሬሬ ወዛሲክቶ አቼቹባሴ እሳርባ እሳርባሰ እሱን ኮሶባ ፋናር፤ ጌራካሎባሴዋ ሲካሎባሴ አፋክ ቱምማ ፋር፤ ዋላክናዋ ዎናክና፡-

«ኮርቶ፡ ኮርቶ፡ ኮርቶ፤

ዙታምባሴ አሲን ቹምፋ ዳማ ሀኪ፤

ፋዪሰ ፋባሬዋ ዮኒ ባሬ» ኡሰታን እነ ዬትሴፋ።

9 ኤስ ካባሬሬ ወዛሲክቶ ዝግሞስታ ድ ባርኪናዋ ኮእባኔን ኮእባ ፎንቶኖን ፎኒ ባሪክና አሪክቶ፥ ኡልፍነዋ፥ ጋላትነ እሜሴሬ ካባሲክ፡-

10 ሄፓሰሬ አቼቹ ኩርኡኒ ሜያ ኮእባኔን ኮእባ ፎንቶኖን ፎኒ ባሪክ፤ ዝግሞስታ ድ ባሳ ሰና ሰንቤሲሲክ ሳጋዶሶን፤ እክሊልቤሲሶን ደይ ዝግሞሲ ሰና ኩንሳት፡-

11 «ደሞኒሰናዋ ሀኒኒሴ፤

ዙታምባሴ አሲን ቴሰታ ቦርእ፤

ዙታምባሴ ቴሰቴናሴዋ ካ ዳንናሴ፤

ደይ ነ ፍቃድክ ሰንና ቦርእ አሪክቶ፤

ኡልፍነዋ ሁግናን ኤጳቶታክ ኔክ ሾልሲርዋ»

ይት ፌሴቴር።

5

ማፃፋሴዋ ፋንቱስና

1 ዝግሞስታ ድ ባሳ ሆእታ ኩሹሰሲ ሰሩክናዋ ቱካክና ትቾ ናፋን ማታማክ ኩሉፍቶ ብራናኒ ብርቶ ማፃፋ ቢን።

2 እሳ ሁግናባ ፋና ሀኒሲ ዋሲያ አካማ ካማክ፡- «ማታማሶን ጋቻናክናዋ ብራናኒ ብርቶ ማፃፋሶን ዋዋናክና ሾልሲናሰ ኦንሶ?» ይት እዋሰፊን ቢን።

3 ሰኑንታኖ ሳማኪ ሰኑን ዳሰታክ ወደይ ዳሰ ሰካሎሲክ ብራናኒ ብርቶ ማፃፋሶን ጋቻናክናዋ ሲካሎባሶን ብያናክና ቾማር ኦኑ አፌ።

4 ብራናኒ ብርቶ ማፃፋሶን ዋዋናክናዋ ሰሩክ ፋ ባርን ብያናክና ሾልሲናር ቤሰቶ ቤይና ቦርእ አካማኖን ዋሰን።

5 ኤስ ካባሲክ ኩርኡኒ ሜያሰን እሳር፡- «ዋሱታታዋ፤ ዩዳኒ ዛላሰን ሰና ዳዊትኒ ኮኒቶሲ ቱዛሰን ኬሳ ኤቶሰ ሜሬዋ፤ ባር ብራናኒ ብርቶ ማፃፋሶንናዋ ናፋን ማታማሲክቶኖንና ጋቻናክ ቾማርዋ» ይ።

6 ኤሴን ኦርፎ ዝግሞስታናዋ አቼቶ ካባሬሬ ወዛሲክቶኒ ጋነያሲ ደይ ኩርኡኒ ሜኒ ጋነያሲ ደይ ሹክቶ ፋንቱን ፌር የሬፊን ቢን፤ ኤስ ፋንቱሰ ናፋን ካላባናዋ ናፋን ኣፍባና ፋር፤ ኤስ ባርኪቶ ዳ ዙታምባሴ አሲሰታ ዋሰቴራ ሀማ ሀኒኒ ናፋን ኢያናሲክቶዋ።

7 ፋንቱሰ ዬሬ ዝግሞስታ ድ ባር ሆእታ ኩሹሰን ብራናኒ ብርቶ ማፃፋሶን ኤጲ።

8 ብራናኒ ብርቶ ማፃፋሶን ኤጵፌና ካባሲክ አቼቶ ካባሬሬ ወዛሲክቶነዋ ሄፓሰሬ አቼቹ ኩርኡኒ ሜና ፋንቱሳ ሰና

ሰንበሲሲክ ጋንደሴቴ፤ እሳ እሳርበሲሲ ኩሹቤሲሲ ካማ ኤጼሬ ፌሴቴር፤ ኤሲሰማቶ ኮርቶኒ ሜኒ ሺጾ ሰና እጣና ኪቼፋና ዋርቄኒ ክርቅዳሶን ኤጼሬ ፌሴቴር።

⁹ ኦራ ጋማክ ኤካ ይት ጋሜሴቴ፡-

«ሀርንኔሲክ አሲቴሴሪሲክቶሰን፤

ዋሉምቴፋ ኖኖሲክቶሰን፤

ኬና ኬናሰን፤ ዳራ ዳራሳሰን፤

አሱኒ ሜያኖን ሀኦሲክ ፋርታክ ነ ሹክቴታ ቦርአ፤

ብራናኒ ብርቶ ማፃፋሶን ኤጳታክናዋ፤

ማታማሲክቶኖን ጋቻታክና ሾልሲናር ሰኒትዋ።

¹⁰ ሀኦኒሰ ታቶኒ ማግኒ ሜያ ሰኖነክ ዛግት፤

ሀን ዳሰታክ ደይ ታትቶሶን።»

¹¹ ኤሰታን ደይ ቢና ዝግሞሴዋ ካባሬሬ ወዛሴ ደይ ኩርኡኒ ሜኒ ብራቶሰታ ሾዋ ሀኦኒ ዋሲኒ ካማ ኦደን፤ ሾዋቤሲሲ ደይ አካማ ኩማክናዋ አካማ ሞልዮኒክና ፋድቶኒር።

¹² አካማ ካማክ፡-

«ሹክቴ ፋንቱሰ፤

ሁግና፥ አትማ፥ ቴቶማ፥ ቶማ፤

አሪክቶ፥ ኡልፍነዋ ጋላትነ፤

ኤጳቶናክ ሾልሱዋ» ይሴቴ።

¹³ ደን ሳማክናዋ ሀን ዳሰታክና፤ ዳሲ ሲካሎሰንናዋ ባሪሰንና ፋ ቴሰቶሰ ዙቴራ፡-

«ዝግሞሰታ ድ ባሪክናዋ ፋንቱሲክና

ጋላታ፥ አሪክቶ፥ ኡልፍነዋ ሁግናነ፤

ኮእባኔን ኮእባ ፎንቶኖን ሰኩን»

ይሴፊን ኦደን።

¹⁴ አቼቶ ካባሬሬ ወዛሲክቶ ደይ፡ «አሚን!» ይሴቴ። ሄፓሰሬ አቼቶ ኩርኡኒ ሜያ ደይ ሰንበሲሲክ ካኦነሬ ሳጋደሴቴ።

6

ማታማሲ ጋቻ

¹ ኤሴን ኦርፎ ፋንቱሰ ናፋን ማታማሲክቶሰን ቴሱኒ ባሮን ጋቼፊን ቢን፤ አቼቶ ካባሬሬ ወዛሲክቶሰን እሳይሰ ደዶኒ ካማን ፋ ካማክ፡ «ዮዋ» ይፊን ኦደን።

² ደይ ፎር ፋዛ ቢን፤ ኤሰ ፋዛሰታ ድ ባር ኩሹባሰሲ የጋኒ ሶክማ ኤጳት ፊር። ባሪክ ደይ አክሊል እምቴ፤ ባር ደይ ኔቤሬ ሜሬ አሱ ሰንነ ኔቤሬ ሜሬት ሀማክ ኬሲ።

3 ፋንቱስ ሄፕሳኒ ማታማሶን ጋችፌና ካባሲክ ሄፕሳኒ ካባሬሬ ወዛሰ፡- «የዋ!» ይፌን ኦደን።

4 እማ ሸኦ እሺፋ ፋዛ ኬሲ፤ ኤስ ፋዛሰታ ድ ባሪክ ናጋስ ዳሰታን ትሸኩናክናዋ አሱኒ ሜያ ባሶትና ባሶትና ዋል ኮኡሶንክና ዛጉና ሀእሱኒ ሁግና ባሪክ እምቲ፤ እኛ ሲፎ ደይ ባሪክ እምቲ።

5 ፋንቱስ ኬዝሳኒ ማታማሶን ጋችፌና ካባሲክ ኬዝሳ ካባሬሬ ወዛሰ፡- «የዋ!» ይፌን ኦደን። ካራ ፋዛ ደይ ቢን፤ ኤስ ፋዛሰታ ድ ባር ሚዛና ኩሱባሰሲ ኤጳት ፊር።

6 እቼች ካባሬሬ ወዛሲክቶኒ ጋነሰን ያርነ ፋ ካማ ኦደን። ኤስ ካማሰ፡- «ኪሎኒ ግማሽ ሰንኒ ዛጎስ እሳ ዎን ኒ ዳዋዛ፤ እሳ ኪሎኒ ግማሽ ሰንኒ ሀጌዋስ እሳ ዎን ኒ ዳዋዛ ሰኑን፤ ሰኑንታኖ ዋይኒ ቱዛሶንናዋ ቡርኡኒ ቡናሶንና ሚርኦታታ» ይፌን ኦደን።

7 ፋንቱስ እቼችሳ ማታማሶን ጋችፌና ካባሲክ እቼችሳ ካባሬሬ ወዛሲ ካማ «የዋ!» ይፌን ኦደን።

8 ደይ ዋሹ ፋዛ ቢን፤ ኤስ ፋዛሰታ ድ ባሳ ሱናስ ክቱ ይሰቴራቱ ቱግቴፋ፤ ኬኦኒ ድማሰ ደይ ኦርፎባሴ ሀሜት ፋር፤ ክቱገዋ ኬኦኒ ድማሴ ዳሲ እቼች ኩሹሰን እሳ ኩሹሰ ኔቦክ፤ ማካክ፤ ቤቶክናዋ ቡርኡኒ ጎቹክና ዎሩናክ ሀእሱኒ ሁግና እምቲ።

9 ኡሸሻ ማታማሶን ጋችፌና ካባሲክ ሀኦሲ ካምኒ ችዋክናዋ እሜቱ ዛላሲክና ዋርቱ አሱኒ ሜኒ ካናን ሾኣሲ ሰካሎሲ ቢን።

10 ባሶ አካማ ካማክ፡- «ኮርቶ ደይ ፋቶ፤ ዙታምባሴ እሲ ደናሎ ሰና ሀኦሴ፤ ሀን ዳሰታክ ፊ አሱኒ ሜያሰታ ማጃሱ ካርኦ ቤያታይሴዋ ሀርንኒሰ ችዋክ ኮዋ ካሰቶ ቤያታይሴ ኣጌኔንንሴ!» ይት ቻጌሴቲ።

11 እሳ እሳርቤሲሲክ ፎር ድቻ ማማ ባሶክ እምቲ፤ ባሶሲማቶ ሀንኔን ዋርቶኒ፤ ባሶሲማቶ ዋሰትኛ ሰና ዞሞቤሲሳክቶኒ ፋድነዋ እይቤሲሳክቶኒ ፋድነ ቱማና ካባኔን ጋር ካባ ቤይሳ ኤጳነክ ባሶክ ማክቲ።

12 ኤሴን ኦርፎ ፋንቱስ እሱንሳ ማታማሶን ጋችፌና ካባሲክ ባሪኪ ቢን፤ ደይ አካማ ዳኒ ሾርኮ ሰኒ፤ አዋስ ሱሞኒ ማምኒማቶ ካራዩ፤ ደይ አሰሳሰ ሀርኒማቶ ሸእ።

13 ዬሹኒ አሰሳክ ችማ ሰሩ ቤለሰኒ እኦሶን ሾርኪን ጋንባሰ እኦሰታን ዋቱፋናሲማቶ ሳማሰታኪ ባኩራሰ ዋትቲ።

14 ሳማሰ ደይ ብራናኒማቶ ብርቲራ ትሸ፤ ኣማሴዋ አካኒ ጋነሲ ኩኒ ዳሴ ዙቴራ ፋና ድማሰታን ኦቴራ ሻቲ።

15 ሆኖ ደሰታክ ፌ ታቶኒ ሜያ፤ ሀላፊው ባሶ፤ ኔቦኒ ጋኛኒ ሜያ፤ ኦቲሞኒ ሜያ፤ ሆግናቤስ ፋና ሜያ፤ ቦዝኒ ሜያው ዳሞኒ ሜያ ኩቴሬ ዲጋዲግሰናዋ ጋወሰናዋ አማሲ ካኦሲ አቸሴቴ።

16 አማሴዋ ካኦሴ አሲን «እኛትን ይኑ! ዝግሞሰታ ድ ባሳ ሰናን፤ ደይ ፋንቱሳ ግእሰን እኛትን አቸትዌ!

17 አሪኪ ግእኒ ዋናሰ ያ፤ ኦ የሮክ ችምኒርን?» ይሴሴቴ።

7

ትሬ አቸቻሰሬ አቸቼ ኩሞ እስራኤልኒ ሜያ

1 ኤሴን ኦርፎ አቸቹ ሀኦኒ ዋሲያ ዳሲ አቸቹ ፋሸታ የሬፌን ቢን። ባሶ ሆኖ ደሰታክ ሰኑን ባሪሰሲ ወደይ እኩሰታ ሰሩ ሰሩኖይናማቶ አቸቹ ፋሻሰን ያፋ ዳሲ ሰሩኖን ኤጼቴ።

2 ሀየዋ ሀኦሲ ማታማኖን ኤጼ ኦማ ሀኦኒ ዋሲያ አዋኬሰና ዳን ያፌን ቢን። ዳሶንናዋ ባሪሶንና ሚርኦናክ ሀኦሱኒ ሆግና አምቴና ሀኦሲ አቸቹ ዋሲያክ ካምባሶን ትግራ።

3 «ሀኦኒሰ ዋሰትኛኒ ሜኒ ሰናሰታ ማታማ እቻኒ ካባኔን ዳሶን ሰኑን ባሪሶን ወደይ እኩሰን ሚርኦትታ» ይራ ቻጊ።

4 ማታማሲክቶ ባሪሰታ አቸና አሱኒ ሜኒ ፋዳሶን ኦደን። እስራኤልኒ አሰቴሴሪሰን ትሬ አቸቻሰሬ አቸቼ ኩማ።

5 ዩዳኒ አሰቴሴሪሰን አሲሬ ሄፔ ኩማ፤ ሮቤልኒ አሰቴሴሪሰን አሲሬ ሄፔ ኩማ፤ ጋድኒ አሰቴሴሪሰን አሲሬ ሄፔ ኩማ፤

6 አሴርኒ አሰቴሴሪሰን አሲሬ ሄፔ ኩማ፤ ንፍታለሞኒ አሰቴሴሪሰን አሲሬ ሄፔ ኩማ፤ ሞናሴኒ አሰቴሴሪሰን አሲሬ ሄፔ ኩማ፤

7 ሰሞንኒ አሰቴሴሪሰን አሲሬ ሄፔ ኩማ፤ ሌዊኒ አሰቴሴሪሰን አሲሬ ሄፔ ኩማ፤ ይሳኮርኒ አሰቴሴሪሰን አሲሬ ሄፔ ኩማ፤

8 ዛብሎንኒ አሰቴሴሪሰን አሲሬ ሄፔ ኩማ፤ ዮሴፍኒ አሰቴሴሪሰን አሲሬ ሄፔ ኩማ፤ ብንያሞኒ አሰቴሴሪሰን አሲሬ ሄፔ ኩማ።

ፎሮ ድቻ ማማ ማዮ ሾዋ ዳራኒ ሜያ

9 ኤሴን ኦርፎ አካማ ሾዋ አሱኒ ሜያኖን ቢን፤ ኤሰ ባሶ ደይ ዳራሳሰንናዋ አሲቴሴሪሰንና፤ ኬና ኬናሰንናዋ ሾዋ ቱሳ ኖኖ ዋሉምሴፌ ባሪሰን ኬሳ አሱኒ ሜያዋ፤ ኤሰ ባሶ ፎሮ ድቻ ማማ ማየሬ ደያንኒ ቶቻ ኩሹቤሲሰ ኤጼሬ ዝግሞሲ ሰንታናዋ ፋንቱሳ ሰንታና የርሴፌር።

10 አካማ ካማክ ቻጊሴት።

«ፋቱስ ዝግሞስታ ድ፤
 ሀኪሲሰሬዋ ፋንቱሳርናዋ!»
 ይት ፌሴቴር።

11 ሀኪሲ ዋሲያኒክቶ ዙቴራ ዝግሞስታናዋ ኩርኡኒ ሜኒ ብራቶስታና ደይ ኣቐቕ ካባሬሬ ወዛሲክቶኒ ብራቶታና የርሴፋር፤ ዝግሞሲ ሰንታ ሰንቤሲሲክ ሀኪሲክ ሳጋደሴቴ።

12 ደይ፡-

«ኣሚን! ቃጵሱ፥ ኣሪክቶ፥ ቴችማ፤
 ጋላታ፥ ኡልፍና፥ ሁግናነዋ ችምነ፤
 ኮእባኔን ኮእባ ፎንቶኖን፤
 ሀኪሲክ ሰኑን፤ ኣሚን!»

13 ኩርኡኒ ሜያሰን እሳይሰ ሀቓ ታኪ ዋል ሌ፡- «ሀን ፎሮ ድቻ ማማ ማዮ ባሶ ኦኖትናይሰንሶ? ኣይን ዩሴቴሪንሶ?» ይ።

14 ታ ደይ፡- «ዳሚሶ ነቱ ኣሪፌርዋ» ይን፤ ባር ደይ፡- «ሀን ባሶ ኣካማ ሻናሶን ኣቱ ዩሴርዋ። ማምቤሲሶን ደይ ፋንቱሳ ሀንናክ ሜእሴሬ ፎሮ ዛግሴቴዋ።

15 ኤስ ባሪ ቦርኣ ሀኪሲ ዝግሞኒ ሰና ፌሴፋት ዋላክናዋ ዋናክና ቤቴሜቅደሲሲ ዋስቴሴተርዋ፤ ዝግሞስታ ድ ባር ደይ ባሶክ ዱርካኒቤሲ ሰናና።

16 ሀንኔን ኤካሎ ኣፋ ማክቶሶነዉዛ፤ ኣፋ እክቶሶነዉዛ፤ ኣዋስ ኣፋ ኪቐናዉዛ፤ ቶኒ ኖእሳስ ደይ ኣፋ ኪቐናዉዛ።

17 ዝግሞሲ ጋነሲ ፌ ፋንቱስ ባሶ ኬሜር ሰናና፤ ካኒ ኣካኒ ኮርኣስ ፋና ድማ ባሶትን ዞንሱና፤ ሀኪሰ ሀራፍቤሲሶን ኣፍቤሲሰን ኩኣና» ይ።

8

ናፋንሳ ማታማሲ ጋቾ

1 ፋንቱስ ናፋንሳ ማታማሶን ጋቾፌና ካባሲክ እኩሊ ሳኦት ሰንኒሮን ሳማስታክ ሻኩ ሰኒ።

2 ሀኪሲ ሰና የርሴፋ ሀኪሲ ናፋን ዋሲያኖን ደይ ቢን፤ ባሪኪቶክ ናፋን ማርካታ እምቴ።

3 ዋርቄኒ ክርቅዳ ኤጶ ኦማ ሀኪሲ ዋሲያ ያራ ሾኣሲ ቴሻ የሬ፤ ዝግሞሲ ሰና ፋ ዋርቄኒ ሾኣስታ ኮርቶኒ ሜኒ ሀኪሲ ሺጶሰኔን ኣማናክ ሾዋ እጣና ባሪክ እምቴ።

4 እጣናሲ ቐዋ ኮርቶኒ ሜኒ ሀኪሲ ሺጶሰኔን ሀኪሲ ዋሲኒ ኩሹሰን ሀኪሲ ሰና ኬሲ።

5 ኤሴን ኦርፎ ሀኪሲ ዋሲያ ክርቅዳሶን ኤጰ ሾኣሰታን ጌያ ኮላ ቱኒራ ሃት ዳሰታ ሀእ፤ ኤሰታን ደዶ፥ ናፍቶኒ ካማ፥ ካወና ደይ ዳኒ ሾርኮ ሰኒ።

ማርካታሲክቶኒ ፋግቶ

6 ናፋን ማርካታ ኤጰ ሀኪሲ ናፋን ዋሲያ ማርካታቤሲሶን ፋጋክ ሆሬሴቴ።

7 ቴሱኒ ሀኪሲ ዋሲያ ማርካታሶን ፋግን እርኒ ሸእነዋ ሀርንነ ዋእቶ ጌያ ሰኒ፤ ሃት ዳሰታ ደይ ሀቴ፤ ዳሲ ኬዝ ኩሹሰን እሳ ኩሹ ሰንኒ ባር ኪቼ፤ እኦሲክቶኒ ኬዝ ኩሹሰን እሳ ኩሹ ደይ ኪቼ፤ ቦደራ ድ ኩዋሰ ደይ ዙቴራ ኪቼ።

8 ሄፕሳኒ ሀኪሲ ዋሲያ ደይ ማርካታሶን ፋግን እኛ ኣማነ ፋ ወዛ ሳማት ዬት ባሪሰሲ ሀእቴ፤ ባሪሲ ኬዝ ኩሹሰን እሳ ኩሹሰ ሀንና ሰኒ።

9 ባሪሰሲ ፋሴ ካባሬሬ ቲሰቶሲክቶኒ ኬዝ ኩሹሰን እሳ ኩሹሰ ክተ፤ ማርካቢሲ ኬዝ ኩሹሰን እሳ ኩሹ ትሺ።

10 ኬዘሳኒ ሀኪሲ ዋሲያ ማርካታሶን ፋግን ቶንኒማቶ ሳማት ፋ ኣካማ ባኩራሰ ሳማን ኬሬ ዋርእ፤ ኬሬ ዋርናሰ ደይ ኣካሲ ኬዝ ኩሹታን እሳይሰታናዋ እካሲ ኮርኣታናዋ።

11 ኤሰ ባኩራሲ ሱና ደይ እሬቶ ይሰቴራቴ ቴግቴፋ፤ ኣካሲ ኬዝ ኩሹሰን እሳ ኩሹሰ ሱቃር ሰኒ። እካሰሰ ሱቃር ሰንና ቦርኣ ሾዋ እሱኒ ሜያ ክትሴቴ።

12 አቼቶሳ ሀኪሲ ዋሲያ ማርካታሶን ፋግኒ አዋሲ ኬዝ ኩሹሰን እሳር፤ አሳሲ ኬዝ ኩሹሰን እሳር፤ ባኩራሲ ኬዝ ኩሹሰን እሳር ኪቼ፤ ኤሰ ባሪ ቦርኣ ኤሰ ባርኪቶኒ ኬዝ ኩሹሰን እሳር ታልሜ፤ ኤሲሲክ ዋናሲ ኬዝ ኩሹሰን እሳይሴዋ ዋላሲ ኬዝ ኩሹሰን እሳይሴ ቻሬፋ ፎንቶ ሰኒ።

13 ኤሴን ኦርፎ ደይ ቢና እሳ አሪማ ሳማሲ ጋነታ ፋልት ኣካማ ካማክ፡- «ፋእቴ ሀኪሲ ዋሲያ ኬዚሰ ማርካታቤሲሰ ካማኖን ኦድሰሴፌ ካባሲክ ሀን ዳሰታኪ ፌ እሱኒ ሜያ ሀይቡቤሰቻዋ! ሀይቡቤሰቻዋ! ሀይቡቤሰቻዋ!» ይት ቻግፌን ኦደን።

9

1 ኡሻ ሀኪሲ ዋሲያ ማርካታሶን ፋግን ደን ሳማን ዳ ኬሬ ዋርእ እሳ ባኩራ ቢን፤ ትርእማሲ ዶእኒ ጋቾ ባሪክ እምቴ።

2 ባር ደይ ትርእማሲ ዶኦኖን ጋች፤ ቼዋሰ እኛ ቴአሲን ኬሰፋናሲማቶ ሰንና ትርእማሲ ዶኦሰን ኬሲ፤ ኤሰ ዶኦሰን ኬሳ ቼዋሲ ቦርእ አዋሴዋ ሳማሴ ታልሜ።

3 ኤሰ ቼዋሲን ች ዳሰታ ኬሬ፤ ዳሰታ ፋ ጋምዛቶሲክቶኒ ሁግናነ ፋ ሁግና ባሪኪቶክ እምቴ።

4 ዳሰታ ፋ ኩዋሶን ሰኑን ቦደራ ፋ ዉዛሶን ወደይ እፋ እኦሶንኑ ሚርኦሶናይናማቶ ማክቴ፤ ሰኑንታኖ ሚርኦናሰ ሰንቤሲሰታ ሀኦሲ ማታም ትሸና አሱኒ ሚያኖን ኮእባ።

5 ባሶትንኑ ሰኑን ኡች አሰሳ ሽምሱናክታኖ ዋሩናክ ኢነ ፍቃዲ እምቶዋ፤ ችሲክቶ ካቲና ሻናሰ ጋምዛቶ አሱኒን ዱፕፋን ሴክፋናሰነ ፋር።

6 ኤሰ ዋናሲክቶሲ አሱኒ ሚያ ክቱ ሾልሶነ፤ ሰኑንታኖ እፋ ዳኖንዉዛ፤ ክቱክ ሾልሶነ፤ ሰኑንታኖ ክቱሰ ባሶሰታን ዋካና።

7 ችሲክቶ ኔቦክ ሆሬራ የሬ ፋዛሲክቶነ ፋር፤ ኤሰ ባሪኪቶኒ ቲታሰታ ዋርቄኒ አክሊልነ ፋዉዛ ፋር፤ ሰንባሲክቶ ደይ አሱኒ ሰናነ ፋር።

8 ማሽካሱኒ ሶማነ ፋ ሶምባ ፋር፤ ሀእባሲክቶ ደይ ኤቶኒ ሀእእነ ፋር።

9 ብታክ ዋሱሰቴ ንብኒ ጌፖባ ፋር፤ ኮሶባሲክቶኒ ግላ ደይ ኔቦሰሲ ኤለት ሀማ ሾዋ ፋዘነዋ ሴሬጌላነ አሲ ቱዘነ ፋር።

10 ጋምዛቶኒ ኡችነ ፋ ኡችነዋ ዱፕፋና ዉዘነ ፋር፤ ኡችባሲክቶሲ አሱኒ ሚያኖን ኡች አሰሳ ሚርኦና ሁግናባ ፋር።

11 ታቶቤሲ ደይ ፌር፤ ባር ደይ ትርእማሲ ዋሲያዋ፤ ሱንባሰ ደይ እብራዊኒ ሜኒ ካማክ አባዶን *፤ ግሪክኒ ሜኒ ካማክ አጾልዮን ይሰቴራቱ ቲግቴፋ።

12 ቴሱኒ ሀይቡሰ ኣቲ፤ ደይ ሀን ባርኔን ኦርፎ ኦማ ሄፕ ሀይቡ ሀንኔን ዮኒር።

13 እሱንሳ ሀኦሲ ዋሲያ ማርካታሶን ፋግን ሀኦሲ ሰና ፋ ዋርቄክ ዋሱሰቴ ሾኣሲ ካላሲክቶሰን ካማ ኬሰፌን ኦደን።

14 ካማሰ ደይ ማርካታ ኤጾ እሱንሳ ሀኦሲ ዋሲያኖን፡- «እርኪ ኤፍራጥሰኒ አካሰሲ ታቴራ ፋሴ አቼች ዋሰያሲክቶኖን ኮትቲ!» ይ።

15 ኤሰ ሳእትሲክናዋ ኤሰ ዋናሲክና፤ ኤሰ አሳሲክናዋ ኤሰ ዋጋሲክና ሆሬሴ እቼች ዋሰያሲክቶ አሱኒ ዛላሲ ኬዝ ኩሹሰን እሳ ኩሹ ዋርሶናክ ኮትቴ።

* 9:11 አባዶን ኤሰ ትሸክር ኦ

16 ፋዛሶን ኤልሴፌ ታርኦኒ ሜኒ ፋዳሰ ሄፕ ትያ ሚልዮኒ ሰንናማቶ ኦደን።

17 ፋዛሲክቶኖንናዋ ፋዛሰታ ድ አሱኒ ሜያኖንና ራእክ ቢናሰ ሀኒሰዋ፡- ንቤሲሰታኪ ፋ ብታኒ ማያሰ ጌኒ ካዮን ፋ ሸኦ ሳማኒ ግቶን ፋር፤ ሳልፌርን ፋ ሸሩ። ፋዛሲክቶኒ ቱታ ኤቶኒ ቱታን ፋር፤ ኖኖባሲክቶሰን ጌነዋ ቹን ደይ ጌኒ ካዮን ኬሴት ፋር።

18 ኖኖባሲክቶሰን ክሲሴና ጌያሲክ፤ ቹዋክናዋ ጌያሲ ካዮክና ኤሰ ኬዝ ቤቶሲክ አሱኒ ሜኒ ዛላ ኬዝ ኩሹሰን እሳ ኩሹሰ ዋርቱ።

19 ፋዛሲክቶኒ ሁግና ፋናሰ ኖኖባሰንናዋ ኡኹባሰንናዋ፤ ኡኹባሲክቶ ዛዋን ፋር፤ ዛውኒ ቱትባ ደይ ፋሴር፤ አሱኒን ደይ ሚርኤሴፋናሰ ኤሰ ባሪክዋ።

20 ኤሰ ቤቶሲክቶክ ክቱኖይ ፋእቴሴ አሱኒ ሜኒ ዛላ ኩሹቤሲሲ ዋሰቶሰን ዋል ሌ እነ ሀርሙሶቶ፤ ኪና አያናሶን፤ ዋርቄክ፤ ብርክ፤ ናሰኒ ብታክ፤ ሹኦክናዋ እኦክና ዋሱሰቱ ብያናክ ወደይ ኦዶናክ ወደይ ኩቱናክ ችምኖይ ኮሎሲክቶኖን ሺጾ እነ ቤዮሶቶ።

21 ኤሲሰማቶ ደይ ካኒ ዋሩሰታን፤ ቶልፋቶን፤ ጌርኬሳሰን፤ ደይ ዊሶሰን እነ ሀርሙሶቶ።

10

ሀኪሲ ዋሲያነዋ ብራናኒ ብርቶ ማፃፋሲ

1 ኤሴን ኦርፎ ሻሩ ማዮ ኦማ ችማ ሀኪ ዋሲያ ሳማን ኬሬፌን ቢን፤ ቱትባሰታ አምሺሾ ፋር፤ ሰንባሰ አውኒማቶ፤ ዋችባሰ ደይ ጌኒ ዬቶን ፋር።

2 ኩሹባሰሲ ጋቾ ጋር ብራናኒ ብርቶ ማፃፋሶን ኤጳት ፋር፤ ሆእታ ዋችባሶን ባሪሰታ፤ አልዳ ዋችባሶን ደይ ዳሰታ የርእ።

3 ቡርፌ ኤቶኒ ካማን ፋ አካማ ካማክ ቻጊ፤ ቻግፋና ካባሲክ ናፋን ደዶሲክቶ ካምባሶን ኦድሲ።

4 ናፋን ደዶሲክቶ ካምባሶን ኦድሰፋና ካባሲክ ታ ትቹናክ ሆሬን። ሰኑንታኖ፡- «ናፋን ደዶሲክቶ ማክሴና ባሮን ኣቶራ ንብኔሲ ኤጽታኖ ትቹታታዋ» ይፋ ካማ ሳማን ኦደን።

5 ኤሴን ኦርፎ ባሪሰታናዋ ዳሰታና የሬፌን ቢና ሀኪሲ ዋሲያ ሆእታ ኩሹባሶን ደን ሳማ ካብጋት፤

6 ኮእባኒን ኮእባ ፎንቶኖን ፋፋ፤ ሳማሶንናዋ ባሪሰሲ ፋሴ ዉዛሲክቶኖንና፤ ዳሶንናዋ ባሪሰሲ ፋሴ ዉዛሲክቶኖንና፤

ባሪያንናው ባሪሰሲ ፋሴ ወዛሲክቶኖንና ቴሲ ሀኦሲ ሱናክ ቴይራ፡- «ሀንኔን ኤካሎ አፋ ዋካና ወዛ!

⁷ ስኩንታኖ ናፋንሳ ሀኦሲ ዋሲያ ማርካታሶን ኦድሱና ዋናሲክቶሲ ባሪ ዋሰትኛ ሰና ራጂኒ ሜያክ አሲናሲማቶ ሀኦሲ አቶ ችዋ ኮኡና» ይ።

⁸ ኤሴን ኦርፎ ሳማን ኦደና ካማሰ፡- «ባሪሰታናው ዳሰታና የሬ ሀኦሲ ዋሲኒ ኩሹሰሲ ፋ ጋቾ ብርቶ ማፃፋሶን ሀምማ ኤጽዋ» ይት ሄፕሳ ታክ ማኬ።

⁹ ታ ደይ ሀኦሲ ዋሲያክ ሀማ፡- «ጋሮ ብራናኒ ብርቶ ማፃፋሶን ታክ እሜ» ይን፤ ባር ደይ፡- «ኤጳ ሙዋ፤ ካትኔሲ ሱቃሮ ሰናና፤ ስኩንታኖ ኖኖኔሲ ኤሰኒማቶ ካርአናዋ» ይ።

¹⁰ ታ ደይ ጋሮ ብራናኒ ብርቶ ማፃፋሶን ሀኦሲ ዋሲያኒ ኩሹሰን ኤጳ ማን፤ ኖኖናሰሲ ደይ ኤሰኒማቶ ካርአ፤ ስኩንታኖ ማናኔን ኦርፎ ካትናሰሲ ሱቃሬ።

¹¹ ኤሴን ኦርፎ፡- «ሾዋ አሱኒ ኬን ሰና ባሶ ችዋሲክ፤ ዳራኒ ሜኒ ችዋሲክ፤ ሾዋ ቴሳ ኖኖ ዋሉምሴፌ አሱኒ ሜኒ ችዋሲክናዋ ታቶኒ ሜኒ ችዋሲክና ሄፕሳ ራጅ ማኮታክ ሾልሲፋዋ» ይሰቴራ ታክ ማክቴ።

11

ሄፕ ዛልኒ ሜያ

¹ ኤሴን ኦርፎ ሆሰሬ ብያክ ሰንኒ ሃሮን ፋ እሳ ሶቦቆ ታክ እምቴ፤ ታክ ኤካ ይሰቴ፡- «ሀምማ፤ ሀኦሲ ቤቴሜቅደሰናንናዋ ሾአሶንና ሆሰራ ቢዋ፤ ኤሰታክ ሀኦ ሺጴት ፌሴ ባሶትን ደይ ፋዱዋ።

² ስኩንታኖ ቤቴሜቅደሲሲ ጌራካሎ ፋ ፋቾቻ ድማሶን ሆሰራ ብያታታ፤ ኤሰ ባር አዛብኒ ሜያክ እምቴር ሰንና ቦርአ፤ አዛብኒ ሜያ ኮርቶ ካታማሶን አቼቻሰሬ ሄፕ አሰሳ የርአሶን።

³ ሄፕ ዛልኒ ሜያ ሱሞኒ ማማ ማየሬ እሳ ኩምነዋ ሄፕ ትሬ አሱናሰሬ ዋና ራጅ ማክሶክ ታ ባሶክ ሁግና እማና።»

⁴ ኤሰ ባሶ ሀን ዳሰ ዳሚሳ ሰና የሮኒ ሄፕ ቡንኒ እኦሴዋ ሄፕ ሜቅሬዚሴዋ።

⁵ ኦኑ ባሶትን ሚርኦክ ሾሌፋናን ጌያ ኖኖቤሲሰን ኬሰሳ ጉማቤሲሰን ኪቼና፤ ባሶትን ሚርኦክ ሾሌፌ ባር ክቱናሰ ኤሲሰማቶዋ።

6 ባሶ ራጅ ማክሶን ኤስ ዋናሲክቶሲ እር እቸኖይናማቶ ሳማሶን ኩልፋክ ሀእሱኒ ሁግናቤስ ፋር፤ ኤሲስማቶ አካሶን ሀንና ዛግሬ ሶሎክ ሾልሴፌ ካባ ዙታምባሴ እሲክ ኣፍፋ ቤቶክኑ ሰንፋናክ ሀን ዳሶን እቻክ ሀእሱኒ ሁግናቤስ ፋር።

7 ዛላ ማክሴሬ ኮእሰሴቴን ኦርፎ እኛ ዶኣሰን ኬሰኒ ጎቼሰ ባሶን እነ ኔቤራ ሜርና ደይ ዋሩና።

8 ዱግኖቤሲስ ደይ ቤሶኒ ዋላክ ሱንባ ሶዶም ወደይ ግጽጽ ይሰቴፋ እርኪ ካታማሲ ያሶስታ ኩናና፤ ኤስ ካታማሰሲ ባሶ ዳሚሰ ሱቴና ድማዋ።

9 ሾዋ ቴሳ ኬና፤ አሲቴሴር፤ ሾዋ ቴሳ ኖኖክ ዋል ሌሴፌ ባሶናዋ ዳራና ኬዝ ዋንነ እኩልነ ዱግኖቤሲሶን ብየን፤ ዱግኖቤሲስ ደይ ካባርቶኖይናማቶ ካሎሶን።

10 ኤስ ሄፕ ራጂኒ ሜያ ሀን ዳሰታ ፌ አሱኒ ሜያኖን ሻና ቤሲት ፌሴቴር ሰንና ቦርኦ ዳሰታ ፌ አሱኒ ሜያ ኤስ ራጂኒ ሜያ ክትሴቴ ባሪክ ግርሶን፤ ግራኒ ሄሶ ደይ ዛግሶን፤ እማ ደይ ባሶትና ባሶትና ዋል እሞሶን።

11 ሰኑንታኖ ኬዝ ዋንነ እኩልነ ኣትናኔን ኦርፎ ካ እምኒ ካኒ እያና ሀኦስኪን ያራ ዱግኖቤሲስ ግሪ፤ ዋቾቤሲሲክ ደይ የርሴቴ፤ ብያ አሱኒ ሜያ ደይ አካማኖን ድጌሴቴ

12 ኤሴን ኦርፎ ሄፕ ራጂኒ ሜያ «ሀደን ኬሰቲ!» ይፋ አካማ ካማ ሳማን ኦደሴቴ፤ ጉማቤሲሳክቶ ብየፌን ሻሩሲ ካሞ ደን ሳማ ኬሴቴ።

13 ኤስ ሳእትሰታክ አካማ ዳኒ ሾርኮ ሰኒ፤ ካታማሲ አሲር ኩሹሰን እሳ ኩሹሰ ቦክቴ፤ ኤስ ዳሲ ሾርኮክ ናፋን ኩም አሱኒ ሜያ ክትሴቴ፤ ክቴን ፋእቴ አሱኒ ሜያ አካማኖን ድግሴቴ፤ ደይ ሳማኪ ሀኦሶን ኡልፍንሰሴቴ።

14 ሄፕሳኒ ሀይቡስ ኣቴ፤ ደይ ኬዝሳኒ ሀይቡስ ታእኒን የኒር።

ናፋንሳ ማርካታ

15 ሀኦሲ ናፋንሳ ዋሲያስ ኡሉሌሶን ፋጊ፤ ደን ሳማክ፡- «ሀን ዳሰታኪ ታቶስ ዳሚሳርናዋ ባሳ ሙድቶሳርና ሰኒ፤ ባር ኮእባኔን ኮእባ ፎንቶኖን ታቶና» ይፋ ቴጋ ቴጋ ካማሲክቶ ኦድቴ።

16 ሀኦሲ ሰና ዝግሞቤሰሲክቶታ ድ ሄፓሰሬ አቼቹ ኩርኡኒ ሜያ ደይ ሰንቤሲሲክ ጋንደሴሬ ሀኦሲክ ሳጋደሴቴ።

17 ደይ፡-

«ፋ ባሬዋ ፎኒ ባሬ፤
ዙታምባሴ እሲን ቾምፋ፤
ዳማ ሀኦኒሴ!

- አሪክ ሀእሱኒ ሁግናኔሶን፤
 ነ ኩሹሰሲ ኤጵታ ቦርእናዋ፤
 ታቲታ ቦርእና ጋላቴፌኒዌ።
- 18 እዛብኒ ሜያ ግእቴሴቴ፤
 ነ ግእሰ ደይ ያ፤
 ክቲ ባሶ ማቻሱኒ ካርእሶን ዳኖን ዋና ካርእ።
 ነ ዋሰትኛ ሰና ራጁኒ ሜያክናዋ፤
 ኮርቶኒ ሜያክና ደይ ሱንኔሶን ኡልፍንሰሴ።
 ጋሮ ጋሮሲክናዋ አሪክ አሪክሲክና፤
 ዋግቤሲሶን እማታ ዋናሰ ካርእዋ፤
 ዳሶን ማቻሲሴፌ ባሶትን፤
 ትሸኩታ ዋና ካርእዋ።»
- 19 ደን ሳማክ ፋ ሀኡሲ ቤቴሜቅደሰ ደይ ጋችቹ፤ ቴያኒ ታቦታሰ
 ቤቴሜቅደሲሲ ቤሰቴ፤ ካዉና፡ ካማ፡ ደዶ፡ ዳኒ ሾርኮነዋ አካማ
 እሮኒ ሸእነ ሰኒ።

12

ማሸካሱሴዋ ዳርቦሴ

- 1 ኤሴን ኦርፎ አካማ ደይ ዳንቂ ማላቶ ደን ሳማሰታ
 ቢሰቴ፤ እዋ ማዮ፡ አሰሳሶን ዋቻባሲ ሰካሎሲ የርኦ አሲሬ
 ሄፔ ባኩራሲክቶኖን አክሊልኒማቶ ዛግራ ቴትባሰታ ጉፎ እሳ
 ማሸካሱ ቢሰቴ።
- 2 ባር ደይ ናኔር አሱ፤ ኮጶናክ ደይ ኮጶኒ ኬክቶ ኤጶን ሻና
 ቢራ ቻጌት ፋር።
- 3 ኤሲሰማቶ ኦማ ማላቶ ደን ሳማሰታ ቢሰቴ። ናፋን ቴትነዋ
 አሲር ካላነ ፋና እኛ ሸእ ዳርቦ ቢሰቴ። ቴትባሰታ ደይ ናፋን
 ዛዉዲ ዱሰራ ፋር።
- 4 ኡቼባሲክ ባኩራሲክቶኒ ኬዝ ኩሹሰን እሳ ኩሹኖን ሳማን
 ዛታ ዳሰታክ ሀእ፤ አሱሰ ኮጶፋና ካባሲክ ዳርቦሰ ናባሰን
 ኮርእናክ ሾሌፋት ኮጶናክ ታእሴ አሱሲ ሰናሰታ የሬ።
- 5 አሱሰ ደይ ዳራሰን ዙትሬ ብታኒ ሃሮክ ሀእሱኒ አርቃ ናኒን
 ኮጶ፤ ሰኑንታኖ ናባሰ ደን ሀኡሰኪናዋ ዝግሞሲክና ኦድቴሬ ሀሚ።
- 6 አሱሰ ደይ ኤልላ ዛቦ ሀሚ፤ ኤሰታክ እሳ ኩምነዋ ሄፕ ትሬ
 አሱናሰሬ ዋና ማኦሪክ ኦድቶና ድማ ሀኡሲ ባሪክ ሆሲ።
- 7 ደን ሳማሰታክ ደይ ኔቦ ካቢ፤ ሚካሊንዋ ባሪ ዋሲያሲክቶነ
 ዳርቦሰኔን እነ ኔቤ፤ ዳርቦሴዋ ባሪ ዋሲያሲክቶነ ዋልግራ ኔቤ።

8 ስኩንታኖ ዳርቦሴዋ ባር ዋስያሲክቶነ ሜርቴ፤ ኤሴን ሀቻ ሳማሰታክ ድማ ኣነ ዳኖቶ።

9 ኣሪኪ ዳርቦሰ ደይ ዬት ሀእቴ፤ ባርር ዳ ዙታምባሴ ኣሲን ዳግሰፋ ዳቡሎሰ ወደይ ሴጣና ይሰቴራ ቴግቴፋ ዜምቲ ዛዋሰዋ። ባር ዬት ዳሰታ ሀእቴ፤ ባር ዋሲያሲክቶ ባርኔን ኣነ ሀእቴ።

10 ኤሴን ኦርፎ እሳ ቴጋ ካማ ደን ሳማን፡- «ኤሴ ፋቱሰ፤ ሀግናሴዋ ታቶሴ ሀኦኒሲር ሰኒዋ፤ ሀእሱኒ ሀግናሰ ደይ ሙድቶሳር ሰኒዋ፤ ኣይኒሳክቶ ሀኦኒሰ ሰናን ዋናክናዋ ዋላክና ኣይኒሳክቶኒ ማላቴት ፋ ባር ሀእቴዋ።

11 ባሶ ፋንቱሳ ሀንናክናዋ ማክሴቴ ዛልኒ ካማሲክና ኔቤሬ ሜርሴቴ፤ ካቤሲሶን ኬሽቶኖይ ቴትቤሲሶን ክቱክ ኣትሬ እሜቴ።

12 ኤሰ ባሪ ቦርኣ ሳማሴዋ ባሪሰሲ ፋሴ ንቶ ዙቴራ ግርቲ! ጋሮ ዋና ኮእባ ፋእቴናማቶ ኣሪፋት ዳቡሎሰ ኣካማ ግእኣክ ንቶኪ ኬሬና ቦርኣ ዳሴዋ ባሪሴ ሀይቡንትዌ» ይፌን ኦደን።

13 ዳርቦሰ ሀን ዳሰታ ሀቶባሶን ቢናይሴ ኣርቃ ናኒን ታን ኣሱሶን ካብግራ ኮፍክ።

14 ኣሱሰ ኢቶማ ዳሰ ሲ ባሪክ ሆሬራ ፋ ድማ ፋልራ ሀማናክ ኣሪክ ኣርማኒ ኮሶን ፋ ሂፕ ኮሶ እምቲ፤ ኤሰታክ ዛዋሲ ሰናን ዋካ ኬዝ ዋጋንዋ እሱን ኣሰሳነ ማኣሪክ ኦድቴት ፋር።

15 ኣሱሰ ኦማራክ ኦድቴራ ሀማናክ ዛዋሰ ዋርኣ ኣካነ ፋ ኣካ ኖኖባሰን ቱጀራ ኦርፎባሰታ ዉኪ።

16 ስኩንታኖ ዳሰ ኖኖባሶን ጋቶቻ ኣሱሶን ኣሪጋሱናክ ዳርቦሰ ኖኖባሰን ዉክና ኣካሶን ኡሽ።

17 ዳርቦሰ ማሽካሱሰታ ግእቴራ ፋእቴ ባሪ ዛላሰኔን ኣነ ኔቦክ ሀሚ፤ ባሶ ደይ ሀኦሲ ኣጃጅኖን ኦድፌ ባሶትናዋ የሱሰ ማኬና ዛላሲክ ዛግሬ የሬ ባሶትናዋ።

18 ዳርቦሰ ደይ ባሪሲ ቴሻ ፋ ፋቱሰታ የሬ *።

13

ሄፕ ጎቾሲክቶ

1 ኤሴን ኦርፎ እሳ ጎቾ ባሪሰን ኬሰፌን ቢን፤ ኣሲር ካላባሬዋ ናፋን ቴትባሬ ፋር፤ ካላባሰታ ኣሲር ዛዉድባ ፋር፤ ቴትባሰታ ደይ ሜእኒ ሱንባ ፋር።

* 12:18 ግርክኒ ማፃፋሲ ባር የሬፌር፤ ኦማሰታ ደይ ታ የሬናር ኡቱ ይፋ

2 ቢና ጎሹሰ ሜወነ ፋር፤ ዋሻባሰ ደይ ድብ ይሰቴፋ ጎሹሰ ዋሻነ ፋር፤ ኖናባሰ ኤቶኒ ኖናነ ፋር፤ ዳርቦሰ ባሪ ሁግናሶንናዋ ባሪ ዝግሞሶንና ደይ እካማ ሀእሱኒ ሁግና ጎሹሰክ እሚ።

3 ጎሹሰ ቴታሰን እሳይሰ ክቱታ ካቱኒ ማዛባ ፋናማቶ ቢን፤ ሰኑንታኖ ኤሰ ክቱታ ካቱኒ ማዛባሰ ፋሪ፤ ሀን ዳሰ ዙቴራ ዲንቄት ጎሹሰክ ዘኑሰቴ።

4 ጎሹሰክ ሀእሱኒ ሁግና እምቴና ቦርእ እሱኒ ሜያ ዙቴራ ዳርቦሲክ ሳጋደሴቴ፤ ደይ፡- «ጎሹሰን ፊር ኦንሶ? ባርኔን እነ ኦንሶ ኔቦክ ችምንሪ?» ይት ጎሹሰክ ደይ ሳጋደሴቴ።

5 ቤጋንቶነዋ ሜእኒ ካምነ ዋሎና ኖና ጎሹሰክ እምቴ፤ እቼቻሰሬ ሄፕ እሰሳ ሀእሱኒ ሁግናክ ዋሰቶናክ ፍቃዲ ባሪክ እምቴ።

6 ሀኦሶንናዋ ሀኦሲ ሱናኖንና፤ ፎኒ ድምባሶን ደይ ሳማሰታኪ ፋሴፋ ባሪክቶኖን ሜእ ኤጲ።

7 ኮርቶኒ ሜያኖን ኔቦናክናዋ ኔቤራ ሜርናክና ሀእሱኒ ሁግና ባሪክ እምቴ። እሰቴሴሪሰታናዋ ኬና ኬናሰታና፤ ሾዋ ቴሳ ኖናክ ዋሎምሴፊ ባሶሰታናዋ ዳራ ዙታምባሴ እሲሰታና ሀእሱኒ ሁግና ባሪክ እምቴ።

8 ሀን ዳሰ ቴሰቴና ዋናኔን ካብራ ሱንቤሲሰ ሹክቱ ፋንቱሳ ካኒ ማፃፋሲ ትሻኖይናኖን ሀን ዳሰታ ፊ እሱኒ ሜያ ዙቴራ ጎሹሰክ ሳጋደሶን።

9 ኦዶኒ ኦዶባ ፊናይ ባር ኦዶዋዋ!

10 «ቦጅቸሬ ሀሚኒ ባር ቦጅቸና፤ ሲፎክ ዋርቶኒ ባር ሲፎክ ዋርቶና» ኤሴ ኮርቶኒ ሜኒ ፋኪያሴዋ አማንቶሴ ሾልሲፋናሰ ኤሲሲክዋ።

11 እማ ጎሹ ደይ ዳሰን ኬሰፊን ቢን፤ ፋንቱኒማቶ ሄፕ ካላባ ፋር፤ ዋሎምባሰ ደይ ዳርቦሲማቶ።

12 ቴሱኒ ጎሹሳ ሱንኒ ሀእሱኒ ሁግናሲክ ዋሰቴት ፊር፤ ሀን ዳሴዋ ባርሰታ ፊሴፊ ባሶትና ዙቴራ ቴሱኒ ጎሹሰክ ሳጋደሶንክ ዛግ፤ ኤሰ ጎሹሰ ደይ ክቱታ ካትፋ ማዛባሰ ፋርና ቴሱኒ ጎሹሰዋ።

13 ሰኑንታኖ ሀን ሄፕሳኒ ጎሹሰ እሱኒ ሜኒ ሰና ጌያ ሳማን ኬሱናኔን እካማ እካማ ቢሰቴራ እሪቶኖይ ዉዛ ዛግት ፊር።

14 ቴሱኒ ጎሹሳ ሱናክ ቢሰቴራ እሪቶኖይ ዉዛሶን ዛፕናክ ባሪክ ፍቃዲ እምቴና ቦርእ ዳሰታክ ፊሴፊ እሱኒ ሜያኖን ዳግሰት ፊር፤ ሲፎክ ማዛየሬ ፋሪ ጎሹሰክ ኡልፍናኒ ሱራ ዋሰቶሶንክ ሀን ዳሰታ ፊ እሱኒ ሜያኖን እጂጂና።

15 ሄፕሳኒ ጎቼሰ ቴሱኒ ጎቼሳ ሱራ ካ ካታናክ ዛጉኒ ሀእሱኒ ሁግና ባሪክ እምቲ፤ ካ ካታናክ ሀእሱኒ ሁግና እምቲናሰ ሱራሰ ዋሎ ችማናክናዋ ባሪክ ሳጋዶኖኖይ ባሶ ዙቴሬ ዋርቶሶነክና ዛጉናክዋ።

16 ሄፕሳኒ ጎቼሰ ጋሮ ጋሮሰን ሰኑን አካም አካሚሰን፤ ኦቱምኒ ሜያኖን ሰኑን ቱካምኒ ሜያኖን፤ ዳምኒ ሜያኖን ሰኑን፤ ቦዝኒ ሜያኖን ዙታምቤሲሴ ሆእታ ኩሹቤሲሰ ወደይ ሰንቤሲሰታ ታካ ኤጰሶነክ ግድሲሲ።

17 ኤሲሲክ ጎቼሳ ሱናኖን ቤሲፋ ታካ ወደይ ሱንባሲ ፋዳ ትሺና ባር ኦኑ ሰኖ ጌሮን ዋኅክ ሰኑን ኪሰሬ ዋኅክ ኦፋ ችማናዉዛ።

18 ኤሴ ቴችማ ሾልሲፋናሰ ኤሰ ባሪክዋ፤ ካኑባ ፌናሰ ጎቼሳ ፋዳኖን ፋድሬ አሩዋዋ፤ ፋዳሰ ደይ ቤሲፋናሰ አሱሰቻዋ፤ ፋዳሰ ደይ እሱን ትሬ እሱናሰሬ እሱነዋ።

14

ፋንቱሰናዋ ትሬ አቼቻሰሬ አቼቼ ኩም አሱኒ ሜና

1 ኤሴን ኦርፎ ኤሰ ፋንቱሰ ሲዮንኪ አማሰታ የፊፊኒ ቢን፤ ባርኔን አነ ባሳ ሱናሴዋ አባባሳ ሱንን ሰንቤሲሰታ ትቼና ትሬ አቼቻሰሬ አቼቼ ኩም አሱኒ ሜያ ፊሴቲር።

2 ደን ሳማክ አካማ አካኒ ፋሰኒ ጎእሶን ፋ ካምነዋ አካማ ደዶኒ ካማን ፋ ካምነ ኦደን፤ ኤሰ ኦደና ካማሰ ደይ ካማ እቸሴፊ ባሶ እቸሴቲን ኦድሲፋ ካማሰነ ፋር።

3 ዝግሞሰታናዋ አቼቹ ካባሬሬ ዋጋሲክቶኒ ሰንታና ደይ ኩርኡኒ ሜኒ ሰና ትሬ አቼቻሰሬ አቼቼ ኩም አሱኒ ሜያ ጋድዶ ጋማ ጋማቲ፤ ኤሰ ጋማሶን ዳሰታኪ ፋርቲ ትሬ አቼቻሰሬ አቼቼ ኩም አሱኒ ሜያቲኖ ኦም ኦኑ አሩናክ አነ ችሜ።

4 ባሶ ማሸካሱሰኪ ሀሜሬ ቱትቤሲሶን ኪንሱኖይ ካይምዋ፤ ፋንቱሰ ሀምፊና ድማ ዙታምባሴ አሲሲ ባርኔን አነቱ ሀሜፊ፤ ባሶ ሀኦሲክናዋ ፋንቱሲክና አሱኒ ሜኒ ጋነያሰን ኡዙን ሰንን እምቲር።

5 ኖናቤሲሰን ኤሻ ዋላ አነ ኬሰፋ፤ ደይ ዝንቤሰ ፎንቶ።

ሀኦሲ ኬዝ ዋሲያኒክቶ

6 ኤሴን ኦርፎ ዳሰታክ ፊሴ አሱኒ ሜያክ፤ አሲቱሴሪሲክ፤ ሾዋ ቲሳ ኖኖ ዋል ሌሴፊ አሱኒ ሜያክናዋ ኦም አሱኒ ኬን

ስና ባሶ ዙታምቤሲሴ አሲክና ማኮናክ ኮእባ ፎንቶ ምሰራቹኒ ካማሶን ኤጰ ኦማ ሀኪኒ ዋሲያ ሳማሲ ጋነታ ፋልፌን ቢን።

7 ቲጋ ካማክ፡- «ሀኦሶን ድጎት! ባሮን ኡልፍንሱት! ባር ማቫሱ ካርእና ሳኦትሰ ካርእ። ሳማሶንናዋ ዳሶንና፤ ደይ ባሪሶንናዋ አካሲ ኮርአኖንና ቴሲ ሀኦሲክ ሳጋዶት» ይ።

8 ሀኦሲ ዋሲያ ሄፕሳሰ፡- «ባር ዛይሲፋ ጌርኬሰኒ ዋይኒን ኡሻኖን ዳራ ዙታምባሴ አሲክ ኡሽ ኤሰ አሪኪ ባብሎን ጋነደ! ጋነደ!» ይት ሀኦሲ ዋሲያ ቴሱኒሲ ኦርፎነ ሀሚ።

9 ሀኪኒ ዋሲያ ኬዘሳሰ ደይ ቲጋ ካማክ፡- «ጎቼሲክናዋ ሱራሲክና ሳጋደሴፌ ባሶ፤ ታካሶን ሰንቤሲሰታ ወደይ ኩሹቤሲሰ ኤጰ ባሶ ዙቲሬ፤

10 ሀኦሲ ግእኒ ዋይኒን ኡሻኖን ኡሾነርዋ፤ ኤሰ ዋይኒን ኡሻሰሲ ዋእቶኖይ ግእኒ ቶፎሰሲ ቱንቶዋ፤ ኤሲሰማቶ ኮርቶ ሀኦሲ ዋሲያኒ ሰንታናዋ ፋንቱሳ ሰንታና ጌያክናዋ ጌኒ ካዮክና ሻና ብዮነ።

11 ባሶትን ሻና ቤሲት ፋ ጌያሰን ኬሰፋ ቸዋሰ ኮእባኔን ኮእባ ፎንቶኖን ደን ሳማ ኬሳና፤ ጎቼሲክናዋ ሱራሲክና ሳጋደሴፌ ባሶ፤ ሱንባሲ ታካኖን ኤጰ ባሶ ዙቲሬ ዋናክናዋ ዋላክና ቤይሳቤሲ አፋ» ይት ኦርፎቤሲሴ ሀሚ።

12 ሀኦሲ አጃጅኖን ኦደሴፌ ባሶክናዋ የሱሰኒን አማኖክ ዛግሬ ፌ ኮርቶኒ ሜያክና ሾልቴፋ ፋኪያሰ ኤሲሰዋ።

13 ደን ሳማን፡- «ሀን ባሮን ትቹዋ፤ ሀውኙኔን ኤካሎ ዳም የሱሰ ክርሰቶሰኒር ሰነሬ ክትሴፌ አሱኒ ሜያ ሱሰቶዋ!» ደይ ኮርቶ አያናሰ፡- «እ! ሆፕቤሲሰን ቤይሳ ኤጰሶንክ ባሶ ዋሰቶሰ ኦርፎቤሲሴ ሀማና» ይፋ ካማ ኦደን።

ዳሚሳ ግእኦ ሀን ዳሰታክ

14 ኤሴን ኦርፎ ፎሮ ሻሩ ቢን፤ ሻሩሰታክ አሱኒ ናን ፌር ዲፌሪ?፤ ቴትባሰታ ደይ ዋርቄኒ አክሊል ጉፎ፤ ኩሹባሰሲ ደይ ካጋ ማጋዳ ኤጰ።

15 ኦማ ሀኪኒ ዋሲያ ቤቴሜቅደሲሲን ኬሰሳ ሻሩሰታ ድ ባሪክ ቲጋ ካማክ፡- «ዳሰታ ፋ ሜያሰ ካቲ! ካርእኒ ዋናሰ ደይ ታእሴ! ካርእቲ»

16 ሻሩሰታ ድ ባር ደይ ማጋዳሶን ዳሰታ ጋፍኪ፤ ዳሰ ደይ ካቲ።

17 ኦማ ሀኪኒ ዋሲያ ደይ ሳማኪ ፋ ቤቴሜቅደሲሲን ኬሲ፤ ባር ደይ ካጋ ማጋዳ ኤጰ።

18 ጌያሰታ ሀእሱኒ ሁግናባ ፋና ኦማ ሀኦኒ ዋሲያ ሾኦሲ ቴሻን ኬሰሳ ካጋ ማጋዳ ኤጾ ሀኦሲ ዋሲያክ፡- «ዋይኒሲ ጋና ካትና ቦርኦ ካጋ ማጋዳኔሲክ ዳሰታ ፋ ዋይኒሲ ጋንኒ ሆርኦቶኖን ካርኦ ዙቱ!» ይት ቲጋ ካማክ ቻጊ።

19 ሀኦሲ ዋሲያ ደይ ማጋዳሶን ዳሰታ ጋፍኪ፤ ዳሰታ ፋ ዋይኒሲ ጋንኒ ሆርኦቶኖን ካርኦ፤ አካማ ሀኦሲ ግእኒ ትኡኒ ድማሲ ሀኦ።

20 ካታማሲ ጌራካሎ ፋ ዋይኒን ትኡኒ ድማሰሲ ትእቲ፤ ትኡኒ ድማሰታኪ ሀንናሰ ቲጉ ፋዘኒ ሉጋማሰታ ካርኦ ደይ ድቕባሰ ኬዝ ትያ ኪሎ ሜትር ሰንኒ ድማ ኬሰሳ ወክቲ።

15

ኮእኒ ቤቶሲክቶኖን ኤጾ ሀኦኒ ዋሲያ

1 ኦማ አካማ ደይ ዲንቂ ቤሶ ሳማሰታክ ቢን፤ ሀኦሲ ግእኦ ኮኡናክ ዛጉኒ ኮእኒ ናፋን ቤቶሶን ኤጾ ሀኦኒ ዋሲያ ናፋኖን ቢን።

2 ኤሴን ኦርፎ ጌያ ዋእቶ ቡርጨቆን ፋ ባሃሪ ቢን። ኤሲሰማቶ ጎቶሶንናዋ ጎቶሲ ሱራኖንና፤ ደይ ሱንባሲ ፋዳኖን ኔቤሬ ሜሬ ባሶትን ቢን፤ ሀኦሲ ባሶክ እምና ካማሶን ኤጳት ቡርጨቆን ፋ ባሃሪሲ ቴሻ የርሴፌር።

3 ሀኦሲ ዋሰትኛ ሰና ሙሴኒ ጋማሶንናዋ ፋንቱሳ ጋማኖንና፡-

«ዙታምባሴ አሲን ቾምፋ ዳማ ሀኦሴ!

ዋሰቶኔሰ አካማ ደይ ዲንቂዌ፤

ዳራኒ ሜኒ ታቶኖ!

ኡጉኔሰ ልኪ ደይ ፋቶዋ፤

4 ዳሚሶ! ኔን ድጎኖር፤

ሱንኔሶን ደይ ኡልፍንሱኖር ኦንሶ?

ነ ነቱ ኮርቶዋ፤

ፋቶኒ ማቫሱኒ ካርኔሰ እምማኖን ኬሰሳ ቤሰቴና ቦርኦ፤

ዳራሰ ዙቲሬ ዬሬ ኔኪ ሰና ሳጋዶሶንዋ»

ይት ጋሜት ፌሴቲር።

5 ኤሴን ኦርፎ ደይ ቢን፤ ዛልኒ ዱርካኒ ሰና ቤቴሜቅደሲሰ ደን ሳማክ ጋቶቹ።

6 ናፋን ቤቶሶን ኤጾ ሀኦሲ ናፋን ዋሲያኒክቶ ቤቴሜቅደሲሲን ኬሲ፤ ካይማ ፎር ፓልፓሉ ላይሎንኒ ማማ ማዮ። ንቤሲሶን ደይ ዋርቄኒ ታልፋክ ታርኤራ ፌሴቲር።

7 እቼቶ ካባሬሬ ወዛሲክቶሰን እሳይሰ ሀኦኒ ናፋን ዋሲያሲክቶክ ኮእባኒን ኮእባ ፎንቶኖን ካርኦ ፎኒ ሀኦሲ ግእኦ ቱምማ ፋና ናፋን ዋርቄኒ ቶፎሶን እሚ።

8 ቤቴሜቅደሲስ ደይ ሀኪሲ ኡልፍናታንናዋ ሁግናታንና ካብ ሞዋ ቸዋክ ተሚ። ሀኪሲ ናፋን ዋሲያኒክቶ ኤጴና ናፋን ቤቶሲክቶ ኮኡናኔን ኦኑ ቤቴሜቅደሲሲ ግሩናክ ኣነ ችሚ።

16

ሀኪሲ ግእኖን ኤጶ ቶፎሲክቶ

1 ኤሴን ኦርፎ ሀኪሲ ናፋን ዋሲያክ፡- «ሀሞቲ! ሀኪሲ ግእኖን ኤጶ ናፋን ቶፎሲን ዳሰታክ ዉኩቲ!» ይፋ አካማ ካማ ቤቴሜቅደሲሲ ኬሰፊን ኦደን።

2 ቴሱኒ ሀኪሲ ዋሲያ ሀማ ቶፎሲን ዳሰታክ ዉክ፤ ጎቼስ ታካ ፋና ባሶታናዋ ጎቼስ ሱራክ ሳጋደሴፊ አሱኒ ሜያሰታና ማኞ ደይ ሻና ቤሰት ፋ ማዛ ባሶሰታ ኬሰ።

3 ሀኪሲ ዋሲያ ሄፕሳኒስ ቶፎሲኒ ባሪሰታ ዉክ፤ ባሪሰ ደይ ክት አሱኒ ሀርንማቶ ሰኒ። ባሪሰ ፋሴ ካባሬሬ ዉዛሲክቶ ዙቴራ ክቲ።

4 ሀኪሲ ዋሲያ ኬዘሳሰ ደይ ቶፎሲን ዋርኦ አካሰንናዋ አካሰ ኮርኦሲና ዉኪ፤ ኤሰ ባር ደይ ሀና ሰኒ።

5 አካሰታ ሀክሱኒ ሀግናባ ፋና ሀኪሲ ዋሲያ ኤካ ይፊን ኦደኒ፡- «ፊይሰ ፎኒ ኮርቶ ዳሚሶ! ኤካ ማቻሱ ካርታ ቦርኦ ነ ልኪዋ።

6 አሱኒ ሜያ ኮርቶኒ ሜኒ ሀንናሶንናዋ ራጂኒ ሜኒ ሀንናሶንና ዉክሴቴ ቦርኦ ባሶትን ሀና ኡሸት፤ ኤሰ ባር ደይ ባሶክ ሾልሱ»

7 ሾኦሰታ፡- «ኣ! ዙታሞባሴ አሲን ችሞፋ ዳማ ሀኪሴ! ማቻሱኒ ካርኔሰ ፋቶ ደይ ልኪ» ይፋ ካማ ኦደኒ።

8 ሀኪሲ ዋሲያ አቼችሳሰ ቶፎሲን አዋሰታ ዉኪ፤ አዋሰ ደይ ጌባሲክ ኪቼናክ ሀግና ባርኪ እሞቴ።

9 አሱኒ ሜያ ኤሰ አካማ ኪቼሲክ ኪቼሴቴ፤ ኤሰ ቤቶሲክቶታ ሀክሱኒ ሀግናባ ፋና ሀኪሲ ሱናኖን ሜኤሴቴ፤ ኣነ ሀርሙሶቶ፤ ባርን ደይ ኣነ ኡልፍንሱሶቶ።

10 ሀኪሲ ዋሲያ ኡሻሰ ቶፎሲን ጎቼስ ዝግሞታ ዉክ፤ ጎቼስ ታቶ ደይ ታልማ ሰኒ፤ አሱኒ ሜያ ሻናቤሲሰታን ካብ ሞዋ ቴሩሞቤሲሶን ታርኤት ፊሴቴር።

11 ሻናቤሲሰታና ማዛቤሲሰታና ካብ ሞዋ ሳማኪ ሀኪሶን ኤርሙሴቴ፤ ማኞ ዋሰቶቤሲሰኒ ኣነ ሀርሙሶቶ።

12 ሀኪሲ ዋሲያ አሱንሳሰ ቶፎሲኒ አካማ ዋርኦ አካ ኤፍራጤሰሰታ ዉክ፤ አዋኬሰና ድማን ዮሶን ታቴ ሜያክ ኡጉንኒ ሆሱክ ኤሰ ዋርኦ አካሰ እችሚ።

13 ዳርቦስ ኖሮሰንና ጎቼስ ኖሮሰንና ደይ ኤሽቱ ራጂኡሳ ኖሮሰን ማቹን ፋ ኬዝ ኪና አያና ኬሰፊን ቢን።

14 ኤስ ባርኪቶ ደይ ቢሰቴራ አሪቶኖይ ዉዛ ዛጉን ኪና አያናዋ፤ ኤስ አያናስ ዙታምባሴ አሲን ችምፋ ሀኦ አሪክ ዋናክ ዛግቶኒ ኔቦሲክ አሱኒ ሜያኖን ዙቱክ ሀን ዳሰታክ ፊሴ ታቱ ሜያ ዙታምቤሲሴ አሲሲክ ሀምንርዋ።

15 «ኤሴ! ታ ዊሰኒማቶ ዲንቆነ ዮና፤ አታቱ ሰኖይናማቶናዋ ኢቹ አቱባሶን አሱኒ ሜያ ብዮኖይቱማቶ ጉዝሬ ማምባሶን ኦድፊ አሱሰ ሱሰቶዋ!»

16 ኪና አያናሲክቶ ደይ ታቶኒ ሜያኖን እብራዊኒ ሜኒ ካማክ አሪሜጌዶን ይሰቴፋ ድማሰታ ዙትሴቴ።

17 ሀኦሲ ዋሰያ ናፋንሳሰ ቶፎሰኒ ሰሩሰታ ዉክ። ቤቴሜቅደሲሲ ፋ ዝግሞሰን፡- «ኮእዋ!» ይፋ ቴጋ ካማ ኬሰ።

18 ኤሰታን ደይ ካዉና፡ ካማ፡ ደዶነዋ አካማ ዳኒ ሾርኮን ሰኒ፤ ኤስ ባርነ ፋ አካማ ዳኒ ሾርኮ አሰሱ ዳሰታክ ቴሰቴናኔን ሀቫ ሰንና ኣነ ብያ።

19 አሪክ ካታማሰ ኬዝክ ባግቴ፤ አዛብኒ ሜኒ ካታማሲክቶ ባግቴ፤ ሀኦሲ አሪክ ካታማ ባብሎኖን ያዳቴ፤ ችማ ግእባሰ ቱማ ፋና ቶፎሰ ዋይኒን ኡሻኖን ኡሻናክ ዛግ።

20 አካሰ ጋነሲ ኩኒ ዳሲክቶ ዙቴራ ኤልላ ሻቴ፤ አማሲክቶ ደይ ኣነ ቤሰቶዋ።

21 እሳርባ እሳርባሰ አቼቻሰሬ ኡቹ ኪሎ ማዛኖን እርን ሸኦ ሳማን አሱኒ ሜያሰታ ኬሬ፤ ኤስ ቤቶሰ ደይ አካማኖን ኪቻ ሰንና ቦርኦ አሱኒ ሜያ ኤስ እርሰ ሸን ቤቶሰ ቦርኦ ሀኦሶን ሜኤሴቴ።

17

አርኪ ጌርኬሰፋ ማሸካሱሰ

1 ናፋን ቶፎሶን ኤጶ ሀኦሲ ናፋን ዋሲያሰን እሳይሰ ታኪ ያራ፡- «ያፋን ሾዋ አካሰታ ድ አርኪ ጌርኬሰፋ ማሸካሱሰታ ካርኒ ማቻሱኒ ካርኦሶን ቤሱቻዋ።

2 ሀን ዳሰታኪ ታቱ ሜያ ባርኔን ኣነ ጌርኬሴቴ፤ ሀን ዳሰታ ፊሴ አሱኒ ሜያ ደይ ጌርኬሰባሰ ዋይኒን ኡሻክ ዛይሴቴ» ይ።

3 ኤሴን ኦርፎ ሀኦሲ ዋሲያ አያናክ ኢቹማ ዳሰ ሲ ታን ኤጶ ሀሚ፤ አቱባ ዙቴራ ሜኦኒ ሱና ትቹና ናፋን ቴትባሬዋ አሲር ካላባ ፋና ሸኦ ጎቼሰታ ድ እሳ ማሸካሱ ቢን።

4 አሱስ ካራንቸሮ ማምነዋ ሸእ ማምነ ማይያ ፋር፤ ዋርቄክናዋ ዋግባ ቸማ ሹአክና ደይ እንቁክ ጌኤእ ፋር፤ ኩሹባሰሲ ደይ ኦምሱ ወዝነዋ ጌርኬሰባሲ ኪናክ ቱምማ ፋና ዋርቄኒ ቶፎ ኤጳት ፋር።

5 ሰንባሰታ ደይ «ኣቸ፡ ጌርኬሴፌ ባሶንናዋ ዳሰታኪ ኪናሲክቶነ አሲ እንቶ፡ አርኪ ባብሎን» ይፋ ሱና ትቼራ ፋር።

6 ኤስ አሱስ ኮርቶኒ ሜኒ ሀንናሲክናዋ የሱሰኒክዋ ያት ክት አሱኒ ሜኒ ሀንናሲክና ዛየራ ፌን ቢን፤ ታ ደይ ባሮን ቢናይሴ አካማኖን ዲንቀን።

7 ሰኑንታኖ ሀኒሲ ዋሲያ ታክ፡- «እዉኒሮን ዲንቀፋትሶ? ማሸካሱሲ ኣቸ ሹዋኖንናዋ ባር ዲና ናፋን ቲትባሬዋ አሲር ካላባ ፋና ጎቼሲ ኣቸ ሹዋኖንና ኦምማኖን ቤሱናዋ።

8 ቢታ ጎቼሰ ዜሞ ሰናክ ፋር፤ ሀሽ ኣፋ ሰንና ቦርእ ሀኔንቱ ትርእማሲን ኬሳና፡ ትሹክ ደይ ሀማና፤ ዳሰ ቲስቲናኔን ካብራ ሱንቤሲስ ካኒ ማፃፋሰሲ ትቸኖይ ሀን ዳሰታ ፌ አሱኒ ሜያ ጎቼሰ ዜሞ ፋር ሀሽ ፎንቶ ሀንኔን ዮኒር ሰንባሶን ብየፌ ካባሲክ ዲንቆሶን።

9 «ቲቹምባ ፋና ካኑስ ሾልቲፋናሰ ሀንታክዋ፤ ናፋን ቲታሲክቶ ማሸካሱሲ ዲፋና ናፋን ኣማሰዋ።

10 ኡቼሰ ጋንደሴቲ፤ ኤስ ባሶ ደይ ናፋን ታቲ ሜያዋ፤ እሳይሰ ሀሽ ፋር፤ ኦማሰ ሀሽኑ ኣነ ዮዋ፤ ያፋና ካባሲክ ጋሮ ዋና ኮእባቱ ፎናክ ሾልሲፋ።

11 ናቫሪንሳ ታቶሰ ዜምሜ ፌር፤ ሀሽ ደይ ፎንቶ ጎቼሰዋ። ባር ናፋኒሰን እሳይሰ፤ ትሹክ ሀሚንር።

12 «ቢታ አሲር ካላሰ ታቶ ሰንነ ታቶኖይ አሲር ታቶኒ ሜያዋ፤ ሰኑንታኖ እሳ ሳኦትኒሮን ጎቼሰኔን ኣነ ታቶ ሰንነ ታቶኒ ሀእሱኒ ሁግና ዳኖን።

13 ኤስ አሲር ታቶኒ ሜያ እሳ ሳፋራቤሰ ፋር፤ ባሶ ግጾቤሲሶንናዋ ሀእሱኒ ሁግናቤሲሶንና ጎቼሲክ እሞን።

14 ባሶ ፋንቱሳታ ኔቦ ጋቸሶን፤ ሰኑንታኖ ፋንቱሰ ዳምኒ ሜኒ ዳም፤ ታቶኒ ሜኒ ታቶ ሰንና ቦርእ ባሶትን ሜርና፤ ባርኔን ኣነ ፌሴ ቲግቲ ባሶ፤ ኮርቲ ባሶ፤ አማናምቶኒ ሜያ ደይ ኣነ ሜርሶን።»

15 ሀኒሲ ዋሲያ ደይ ታክ ኤካ ይ፡- «ጌርኬሳ አሱስ ዲፌን ቢታ አካሲክቶ፡ ዳራሳክቶ፡ ኬና ኬናሴዋ ሾዋ ቲሳ ኖኖ ዋል ሌፌ አሱኒ ሚናዋ።

16 ጎቼሴዋ ቢታ አሲር ካላሴ ጌርኬሰፋ አሱሶን አምቶሶን፤ አታቱ ፋእቶናክ ዛግሶን፤ አሽባሶን ሙሶን፤ ጌያክ ደይ ኪቹሶን።

17 ኮፖሶን ዛግሶንክ ኤሰ ሳፋራሶን ባሶ ንብባሲ ኩንሲሰ ሀኦሰዋ፤ ኤሰ ባሪ ቦርኣ ሀኦሲ ካማ ኮኡና ካባኔን ባሶ እሳ ሳፋራክ እሳር ሰናን፤ ታትቶሶን ሀእሱኒ ሁግናቤሲሶን ደይ ጎቼሲክ እሞን።

18 «ቢታ አሱሰ ደይ ሀን ዳሰታኪ ታቶኒ ሜያሰታ ታቶኒ አሪኪ ካታማሰዋ።»

18

ባብሎንኒ ጋንደ

1 ኤሴን ኦርፎ አካማ ሀእሱኒ ሁግናባ ፋና ኦማ ሀኦኒ ዋሲያ ደን ሳማን ኬሬሬን ቢን፤ ኡልፍንባሲ ፓልፓሉታን ካብ ችዋ ዳሰ ቻሬ።

2 ቲጋ ካማክ ኤካ ይት ቻጊ፡- «አርኪ ባብሎን ጋንደ! ጋንደ! ኪና እያናሰ ፎና ድማ ሰኒ። ኪና እያናሰ ሀኦኒ ድማ ሰኒ፤ ሾቱኖር ደይ ኦምሱ ካሳሲክቶ ፎና ድማ ሰኒ።

3 ዛይሲፋ ጌርኬሰኒ ዋይኒን ኡሽባሶን ዳራሲክ ዙትራ ኡሽ፤ ሀን ዳሰታኪ ታቱ ሜያ ባርኔን አነ ጌርኬሴቴ፤ ሀን ዳሰታክ ፌ ናጋደኒ ሜያ ደይ አካማ ማእ ፎባሰታን ካብ ችዋ ኦቱም ሰነቴ»

4 አማ ካማ ደይ ሳማን ኤካ ይፊን ኦደን፡-

«ዳራታሶ! ቦርባሰሲ ግሪሪ እሳር ሰናትታዋ፤

ባር ቤቶሶን ሃኤር ሰንናትታ፤

ባርሰን ኤልላ ኬሰት!

5 ቦርባሲ ቱልቶ ሀማ ደን ሳማ ካርእ፤

ሀኦሰ ባሪ ማቻሱሶን ያዳቴ፤

6 ባር እምናሰነ ፋሮን ኮባሶን ዋልጉት፤

ዛግና ዋሰቶባሲክ፤

ሄፕ ኩሹኖን ባሪክ ካሱት፤

ባር ሾዋ ቴሳ ኡሻ ዋእሰና ቶፎሰሲ፤

ሄፕ ኩሹ ዛግራ ዋእሱት።

7 ባር ባሪ ቲታሲክ ኡልፍንዋ፤

ማእ ፎነ እምናሰነ ፋሮን፤

ሻናነዋ ሱሞነ እምትዋ።

ባር ንብባሰሲ፡-

ጦማሽካ ታቶነ ፋር ሰና ዲናሪ ታ ድቻ አሱታ፤

ሱሞ እሳንነ ታይሰታ ኣፋ ካርአናጩካ ኡክ ቤዝፋ፤

8 ኤስ ባሪ ቦርኣ ቤቶሲክቶ ዙቴራ፤
እሳ ዋናክ ባሪስታ የና፤
ክቱ፡ ሱሞነዋ ማክነ ባሪስታ ካርኣና፤

ጌያክ ደይ ኪቸና፤
ባሪስታ ማቸሱ ካርኢ፤
ዳማ ሀኦስ ችማዋ» ይ።

9 ባርኔን እነ ጌርኬሴፌ ባሶናዋ ማእ ፎክ ፌሴ ሀን ዳስታኪ ታቴ ሜና ባር ኪቼፌን ኬሰፋ ቼዋሶን ብየፌ ካባሲክ ባሪክ ቻጌት ዋሱሶነ።

10 ባሪ ሻናሶን ድጋክ ዎክሶክ የርሴፋት፡- «ነ አርኪ ካታማ፤ ነ ችማ ካታማ ባብሎን! ነይስታ ካቴ ማቸሱ ካርኣስ እሳ ሳኦትሰሲ ያና ቦርኣ ሀይቡነዌ! ሀይቡነዌ» ኡሶነ።

11 ባሶ ሜርኬቢስ ፌኤና ባኣሶን ሀንኔን ኤካሎ ዋጎኒር አፌ ሰንና ቦርኣ ዳስታክ ፌ ናጋደኒ ሜያ ባሪክ ዋሱሶነ፤ ደይ ሱሞሶን።

12 ባሶ ሜርኬቢስታ ፊቸ ዋርቄስ፡ ብሪስ፡ ዋግባ ችማ ሹኣስ፡ እንቁስ፡ ላይሎንኒ ማማስ፡ ዋንታጅ፤ ሀርንኒ ማማስ፡ ሸኣ ማማሴዋ ማእ ሳዉባ ፋና እኦሴ ዙቴራ፡ ዛክናኒ ሀኦስ፡ ዋግባ ችማ ሰና እኦስ፡ ናሲኒ ብትታክናዋ እምነቤፌድክና ዎሱሰቴ ኮዳ ዙቴራ፤

13 ቀሬፋስ፡ ክማሚስ፡ ሳዉፋ እኦስ፡ ኩምቢስ፡ እጣናስ፡ ዋይንኒ እኦስ፡ ቡርኡኒ ቡንኒ ዛይቲስ፡ ቡዋስ፡ ዛጎስ፡ ምያስ፡ ፋንቱስ፡ ፋዛስ፡ ሴሬጌላስ ቦዝኒ ሜናዋ ኦም እሱኒ ሜናዋ።

14 ናጋደኒ ሜያ ደይ፡- «ነ ኤናንቲታ ማእ ዉዛሲክቶ ዙቴራ ነይስታን ዎካ ሀሚ፤ ኦቱምኔሴዋ ጌጥኔሲክቶን ደይ ዙቴራ ትሸ፤ ሀንኔን ኤካሎ ሀን ባሮን ዙትራ እሳንነ ኦፋ ዳናታዉዛ» ኡሶነ።

15 ኤስ ዉዛሲክቶኖን ዙትራ ዋግሴፋፌ ኦቱም ሰና ናጋደኒ ሜያ ባሪ ሻናሶን ድግሴፋት ዎክሶክ የርሶነ። ዋሴትናዋ ሱሜትና፡-

16 «ላይሎንነዋ ዋንታጅኒ ማማሴ ደይ ሸኣ ማማኔን ማያ ዋርቄክናዋ ዋግባ ችማ ሹኣክና ደይ እንቁክ ጌኤኦ ፋ አሪኪ ካታማ ሀይቡነዌ! ሀይቡነዌ!

17 ኤስ ኤፋቴና ኦትማስ እሳ ሳኦትሰሲ ትሺ!» ኡሶነ።

ሜርኬቢሶን አጃጀፌ ባሶ ዙቴራ፤ ሜርኬብክ ኩትፌ አሱኒ ሜያ ዙቴራ፤ ሜርኬቢስታ ዎሰቴሴፌ አሱኒ ሜያ ዙቴራ፤ ባሪስታ ናጋደሴፌ ባሶ ዙቴራ ዎክሶክ የርሶነ።

18 ባር ኪቼፋና ካባሲክ ኬሰፋ ቼዋሶን ቢሴሬ፡- «ሀን አሪኪ ካታማሰንነ ፋ ካታማ እሳንነ ኦማ ፋርታሶ?» ይት ቻንነ።

19 ቲትቤሲሰታ ቱሎ ዋትሴት ዋሰሴትናዋ ሱሜሴትና ኤካ ይት ቻጌቴ፡- «ባሃሪሰታ ሜርኬብቤስ ፋና ባሶ ዙቴሬ ባሪ ኦትማሲክ ኦቴም ሰና ኤስ አሪኪ ካታማ እሳ ሳኦትሰሲ ትሺና ቦርኦ ሀይቡነዌ! ሀይቡነዌ!» ኡሶነ

20 ሳማሴ! ባሪክ ግሮዌ! ሀኦስ ንቶ ቦርኦ ባሃርሰታ ማጃሱ ካርና ቦርኦ ንቶ ኮርቶሰናዋ ዋሰኒ ሜያና ደይ ራጂኒ ሜያ ግርሶሶቲ!

21 ኤሴን ኦርፎ እሳ ችማ ሀኦኒ ዋሲያ አካማ ባቡራኒ ሹእነ ፋ እሳ ሹእ ካብግራ ኤካ ይት ባሪሃሰሲ ሀኦ፡- «አሪኪ ካታማ ባብሎን ኤፋ ሁግናክ ቱግቴራ ጋንዶና፤ ሀንኔን ኤካሎኑ እሳንነ አፋ ቤስቶና ዉዛ።

22 ካማ እቸፌ ባሶናዋ ሱርፌ ባሶና አሲ ካማሰ፤ ኡሉላ ፋጌፌ ባሶናዋ ማርካታ ፋጌፌ ባሶና አሲ ካማሰ ሄፕሳ ነይሰሲ አፋ ኦድቶና ዉዛ፤ እዉነ ፋ ኩሹኒ ዋሶቶ ዋሰቴሴፌ ቱቹምኒ ሜያ ሀንኔን ኤካሎ ነይሰሲ አፋ ቤስቶሶነዉዛ። ባቡራኒ ካማ ደይ ሀንኔን ኤካሎ ነይሰሲ አፋ ኦድቶናዉዛ።

23 ቶኒ ቻሬፋ ሀንኔን ኤካሎ ነይሰሲ አፋ ቻርናዉዛ። ማሪሳ ካምነዋ ማርያሲ ካምነ ሀንኔን ኤካሎ ነይሰሲ አፋ ኦድቶናዉዛ። ናጋደኔሳክቶ ሀን ዳሲ አርቶ አርቶ አሱኒ ሜያዌ፤ ቶልፋትኔሲክ ዳራሰን ዙትራ ዳግሰት።

24 «ባርሰሲ ራጂኒ ሜኒ ሀንናሴዋ ኮርቶኒ ሜኒ ሀንናሴ ደይ ሀን ዳሰታኪ ዋርቴ አሱኒ ሜኒ ሀንናሴ ዙቴራ ቤስቴ።»

19

1 ኤሴን ኦርፎ ኤካ ይፋ ሾዋ አሱኒ ካማነ ፋ ቲጋ ካማ ሳማን፡- «ሃሌ ሉያ! ፋቲነዋ ኡልፍንነ ደይ ሁግናነ ሀኦኒሰርዋ!

2 ማጃሱኒ ካርባስ ፋቶ ደይ ልኪዋ፤ ዳሶን ጌርኬሰባሲክ ኪንስ አርኪ ጌርኬሰፋ ባሮን ማጃሱ ካርኦ ኬእ። ባሮን ኬኡክ ዋሰትኛኒ ሜኒ ሀንናሲ ጉማኖን ካሰቴ» ይፌን ኦደን።

3 ሄፕሳ ደይ፡- «ሃሌ ሉያ! ባሪሰን ኬሰፋ ቹዋሰ ኮእባኔን ኮእባ ፎንቶኖን ኬሳና!» ይሴት ቻጌሴቴ።

4 ሄፓሰሬ አቼቹ ኩርኡኒ ሜናዋ አቼቶ ካባሬሬ ዉዛሲክቶነ ዝግዋባሰታ ድ ሀኦሲክ ሰንቤሲሲክ ጋንደሴሬ፡- «አሚን፤ ሃሌ ሉያ!» ይሴት ሳጋደሴቴ።

ፋንቱሳ ሳርግኒ ኮታ

5 ኤሴን ኦርፎ፡- «ባርን ድጌፌ ዋስትኛኒ ሜያ ዙታምኒትሴ፡- ጋሮ ጋርሰናዋ፤ አሪኪ አሪኪሰና ሀኒኒሶን ጋላቶሶትዋ!» ይፋ ካማ ዝግሞሰታን ኬሲ።

6 ሾዋ አሱኒ ሜኒ ካማ፤ ዋርክ አካኒ ካማ፤ አካማ ደዶኒ ካማን ፋ ካማ፡- «ሃሌ ሉያ! ዙታምባሴ አሲን ችምፋ ዳማ ሀኒኒሰ ታቱዋ!

7 ፋንቱሳ ሳርግ ካርና ቦርኦናዋ ባሳ ማሪያሰ ቱትባሶን ሆሲና ቦርኦና ያኒ ግሮኒዋ! ደይ ግራ ዛጉኒ፤ ደይ ሀኒሶን ኡልፍንሱኒ።

8 ፓልፓልፋ ካይማ ኬሹ ማማ ማያናክ ባሪክ እምቲ፤ ሴሳ ማማሰ ኮርቶኒ ሜኒ ኦኮ ዋስቶሰዋ» ይፈን ኦደን።

9 ኤሴን ኦርፎ ሀኒሲ ዋሲያ፡- «ፋንቱሳ ሳርግሲ ቱግቱ ባሶ ሱሰቶዋ» ይራ ትቹዋ ይ። ቱሲራ ደይ «ኤሰ ባር ደይ ሀኒሲ ፋቶኒ ካማዋ» ይ።

10 ታ ደይ ሀኒሲ ዋሲያኒ ዋሹሲ ሳጋዶናክ ሰንናሲክ ጋንደን፤ ሰኑንታኖ ባር፡- «ቤይዋ! ኤካ ዛጉታታዋ! ታ ደይ ኔኔንናዋ የሱሰኒ ዛላሶን ኤጳት ፌሴ አይኔሳክቶኔንና እነ ዋስትኛዋ፤ ሀኒሲክ ሳጋዶዋ! የሱሰ ማኬና ዛላሰ ራጅኒ እያናዋ» ይ።

ፎሮ ፋዛሰታ ድ ባር

11 ኤሴን ኦርፎ ሳማ ጋቹን ቢን፤ ኤሰታን ፎሮ ፋዛ ደይ ቢን፤ ፋዛሰታ ድ ባር እማናምቶናዋ ፋቶና ይሰቴሬቱ ቱግቱፌ፤ ባር ልኪክ ማጃሱ ካርኦሪ ደይ ኔቤር።

12 እፍባሰ ጌኒ ዊኖን ፋር፤ ቱትባሰታክ ደይ ሾዋ ዛዉድ ፋሴር። ባርኔንን ኦማ ኦኑ አሩኖይና ሱና ባሳሰታ ትቹራ ፋር።

13 ባር ሀንናክ ሀጹክቶ ማማ ማዮ፤ ሱንባሰ ደይ ሀኒኒ ካማዋ።

14 ፎሮ ፎሮ ፋዛሲክቶታ ዲሴ ፎሮ ካይማ ኬሹ ማማ ማዮ ሳማኪ ሜያ ታርኦሲክቶ ደይ ኦርፎባሴ ሀሜት ፋሴር።

15 ዳራሳክቶኒን እቻና ካጋ ሲፎ ባሳ ኖኖሰን ኬሰ፤ ብታኒ ሃርክ ደይ ሀእሱና፤ ባር ዙታምባሴ አሲን ችምፋ ሀኒሲ ዳሱ ግእኖን ቤሲፋ ዋይኒን ኡሻሲ ትኡኒ ድማሶን የርኦና።

16 ማምባሰታናዋ ችካባሰታና፡- «ታቶኒ ሜኒ ታቶ፤ ዳምኒ ሜኒ ዳም» ይፋ ሱና ትቹ።

17 ኤሴን ኦርፎ አዋሰሲ የሬ እሳ ሀኒኒ ዋሲያ ቢን፤ ባር ሳማሰታ ፋልፋ ካሳሲክቶክ ቱጋ ካማክ ቻጋ፡- «አሪኪ ሀኒሲ ኮታሰኪ ዮት! ደይ ዙቶት!

18 ታቶኒ ሜኒ አሻሶን፤ ሜያ ታርኦኒ ሜያኖን አጃጃፌ ባሶ አሻሶን፤ ችም ኔቦኒ አሱኒ ሜኒ አሻኖን፤ ፋዛሲርንናዋ ፋዛሶን

ኤልሰፊ ባሶ አሻሶንና፤ ብርማዲማቤሰ ፋና አሱኒ ሜኒ አሻኖንናዋ ቦዝኒ ሜኒ አሻሶንና፤ ጋሮ ጋሮሳ አሻኖንናዋ አርኪ አርኪሳ አሻኖንና፤ ኣፌ አሱሳ አሻኖን ሰኑን ያራ ዙትራ ሙት!» ይ።

19 ኤሲሰማቶ ጎቻሰ፤ ሀን ዳሰታኪ ታቱ ሜያኔንናዋ ባሶ ሜያ ታርኦሳክቶኔንና ፎሮ ፋዛሰታ ድ ባርኔንናዋ ባሳ ሜያ ታርኦሳክቶኔንና ኔቦክ ዙቴሴሬ ፊሴቴን ቢን።

20 ሰኑንታኖ ጎቻሰ ኦቴ፤ ባርኔን አነ ሰንባ ሾዋ ቢሰቴራ አሪቶኖይ ወዛሶን ዛግት ፊ ኤሽኛ ራጂኡሰ ደይ ኦቴ፤ ባር ጎቻሲ ታካ ፋና ባሶትንናዋ ጎቻሲ ሱራክ ሳጋዴት ፊሴ ባሶትንና ቢሰቴራ አሪቶኖይወዛ ዛጉክ ዳግሲት ፊር፤ ኤሰ ሄፒሰ ኪቶፋ ካዋ ጌኒ ባሃሪሰሲ ካቤሲሴ ሀቴሴቴ።

21 ፋእቴ ባሶ ደይ ፎሮ ፋዛሰታ ድ ባሳ ኖኖሰን ኬሰፋ ሲፎሲክ ዋርቴሴቴ፤ ካሳሲክቶ ዙቴራ አሽቤሲሶን ማራ ጋወሴ።

20

እሳ ኩማ ዋጋኒ ታቶሰ

1 ኤሴን ኦርፎ አካማ ዶኣሲ ጋቾኖንናዋ እኛ ሻሻራሶንና ኩሹባሰሲ ኤጶ ሀኔኒ ዋሲያ ሳማን ኬሬፊን ቢን።

2 ባር ደይ ዳርቦሶን ኤጶ እሳ ኩማ ዋጋጋ ታርእ፤ ኤሰ ዳርቦሰ ዳቡሎሰ ወደይ ሴጣና ይሰቴፋ ዜሞቲ ዛዋሰዋ።

3 እሳ ኩማ ዋጋጋ ኮኡና ካባኔን ዳራሰን ዳግሱኖይናማቶ ሀኔሲ ዋሲያ ዳርቦሶን አካማ ዶኣሰሲ ሀእ፤ ኩልፍራ ማታማክ አቺ፤ ኤሴን ኦርፎቱ ጋሮ ዋኒሮን ኮቶናክ ሾልሲፋ።

4 ኤሰታን ዝግሞሲክቶኖን ቢን፤ ኤሰ ዝግሞሰታ ማቻሱኒ ካርኒ ሀእሱኒ ሁግናቤሲ እሞቴና አሱኒ ሜያ ዲሴፊን ቢን። የሱሲ ሞሞሲክ ዛላ ማክሶቤሲሲክናዋ ሀኔሲ ካምኒ ሞሞክና ቲትቤሲሶን ካቴሴ አሱኒ ሜኒ ካሲክቶኖን ቢን። ባሶ ጎቻሲክናዋ ባሪ ሱራሲክና ሳጋዶኖር ደይ ታካሶን ሰንቤሲሰታናዋ ኩሹቤሲሰታና ኤጶኖይ አሱኒ ሜያዋ፤ ባሶ ክቱን ካብሴሬ ክርሰቶሰኔን አነ እሳ ኩማ ዋጋጋ ታቴሴቴ።

5 ኤሰ ባር ደይ ቴሱኒ ክቱኒ ካቡዋ፤ ሰኑንታኖ ፋእቴ ክቱኒ ሜያ እሳ ኩማ ዋጋሰ ኮኡና ካባኔን ክቱኒ አነ ካብሶቶ።

6 ቴሱኒ ክቱኒ ካቡሶን ዳና ባሶ ሱሰቶ ደይ ኮርቶዋ፤ ሄፕሳኒ ክቱሰ ባሶሰታ ሀእሱኒ ሁግናባ ኣፋ፤ ባሶ ሀኔኒ ማግናዋ ክርሰቶሰኒ ማግና ሰኖን፤ ክርሰቶሰኔን አነ ደይ እሳ ኩማ ዋጋጋ ታትቶሶን።

ሴጣናሲ ሜርቶ

7 እሳ ኩማ ዎግጋ ኮእናኔን ኦርፎ ሴጣና ታቶሰሲን ኮቶና።

8 ሀን ዳ ዙታምባሴ አሲሰታ ፌ አሱኒ ሜያኖን ኤሲሰ ደይ ሳግናዎ ማግግና አሲን ዳግሱክናዎ ኔቦክ ካብሶነክ ዛጉናክ ኬሳና፤ ፋድቤሰ ሾዎ ደይ ባሃሪሲ ሀእታ ፋ ፋቱሰነ ፌሴቴር።

9 ባሶ ሀን ዳ ዙታምባሴ አሲሰ ሲክቴሴ ኮርቶኒ ሜኒ ኬኤሶንናዎ ሹንቶ ካታማሶንና ኬጺሴቴ፤ ሰኩንታኖ ጌያ ደን ሳማን ኬሬራ ኪቶራ ትሺኪ።

10 ባሶትን ዳግሲ ዳቡሎስ፤ ጎቾሴዎ ኤሽኛ ራጂኡስና ፌሴቴ ካዮ ጌኒ ባሃሪሰሲ ሀቴሴቴ፤ ኤሰታክ ዋላክናዎ ዎናክና ኮእባኔን ኮእባ ፎንቶኖን ሻና ብዮነ።

ኮእኒ ማጃሱኒ ካርአ

11 ኤሴን ኦርፎ አካማ ፎር ዝግሞነዎ ኤሰ ዝግሞሰታ ድ ባሪንና ቢን፤ ዳሴዎ ሳማሴ ባሳ ሰናሰታን ሻቴ፤ እሳ ድማኑ ባሶክ እነ ቤሰቶዎ።

12 ክት ጋሮ ጋሮ ሜያኖንናዎ አርኪ አርኪ ሜያኖንና ዝግሞሲ ሰና የርሴፊን ቢን፤ ማፃፋሲክቶ ደይ ጋቶቹ፤ ካኒ ማፃፋ ሰና ኦማ ማፃፋ ደይ ጋቶቹ፤ ክቱኒ ሜያ ደይ ማፃፋሰሲ ትቼራ ኩኒ ዎሰቶቤሲሰማቶ ማጃሱኒ ካርአ ኤጴቴሴቴ።

13 ባሃሪሰ ደይ ሲካሎባሰሲ ፌ ክቱኒ ሜያኖን ክሰራ እሚ፤ ክቱነዎ ኬኒኒ ድማሴ ደይ ባርኪቶኒሰሲ ፌሴ ክቱኒ ሜያኖን ክሰራ እሚ፤ እሳ እሳርባሰ ዎሰቶባሲማቶ ማጃሱ ካቴ።

14 ክቱነዎ ኬኒኒ ድማሴ ጌኒ ባሃሪሰሲ ሀቴ፤ ኤሰ ጌኒ ባሃሪሰ ደይ ሄፕሳኒ ክቱሰዎ።

15 ሱንባሰ ካኒ ማፃፋሰሲ ትቼራ ቤሰቶኖይና ባር ዙቴሬ ጌኒ ባሃሪሰሲ ሀእቴ።

21

ጋድዶ ሳማሴዎ ጋድዶ ዳሴ

1 ኤሴን ኦርፎ ጋድዶ ሳማሴዎ ጋድዶ ዳሴ አሲን ቢን፤ ቴሱኒ ዳሴዎ ቴሱኒ ሳማሴ ኣት፤ ባሪሰ ደይ ሀንኔን ኤካሎ ኣፋ ፎናዉዛ።

2 ኮርቶ ካታማሰ፤ ጋድዶ የሩሳሌም ቴጎባሲክ ጌእሰቴራ ፋ ማሪያኒማቶ ሆሬራ ሳማኪ ሀኦሰኪን ኬሬፊን ቢን።

3 ደይ ኤካ ይፋ ቱጋ ካማ ዝግሞሰኪን ኬሰፊን ኦደን፡- «ኤሴ! ሀኦስ ፎና ድማሰ አሱኒ ሜኒ ጋነሲዎ፤ ባር ደይ ባሶኔን እነ ፎኒር፤ ባሶ ደይ ባሪ ዳራ ሰኖን፤ ሀኦስ ቴትባሲክ ባሶኔን እነ ፎና፤ ሀኦሴሰ ደይ ሰናና።

4 ሀራፋሶን ዙጥራ እፍቤሲሰን ኩእና፤ ሰናቲ ሰትሪሰ እትና ቦርእ ክቱ ወደይ ሱሞ ወደይ ዋሳ ወደይ ሻና ሀንኔን ኤካሎ አፋ ፎናወዛ።»

5 ዝግሞባሰታ ድ ባር ደይ፡- «ኤሴ! ታ ዙታምባሴ አሰን ጋድዶ ዛጉና!» ይ። ኤሰታን ደይ፡- «ሀን ካማሰ አማናምቶ ደይ ፋቶ ሰንና ቦርእ ትቹዋ» ይ።

6 ኤሴን ኦርፎ ታክ ኤካ ይ፡- «ኮእ! አልፋናዋ ኦሜጋና፤ ቴሱኒ ባርናዋ ኮእኒ ባርና ታዋ፤ እክቱ ባሪክ ካኒ አካሲን ኮርአሲን ካሰቶኒ ዋጋባ ፎንቶኖን ባክ አማናዋ።

7 ኤሴሬ ሜሮኒ ባር ሀን ባሮን ዋራሶና፤ ታ ደይ ባሪክ ሀኦባ ሰናና፤ ባር ደይ ታክ ናታ ሰናና።

8 ሰኩንታኖ ድግሴሬ ባሶ፤ አማንቶቤሰ ፎንቶ ሜያ፤ ኪናሲክቶ፤ ካ ዋሪ አሱኒ ሜያ፤ ጌርኬሴሬ ባሶ፤ ቶልፋቱኒ ሜያ፤ ኮእሎ ሺጽሴሬ ሜያ፤ ኤሽኛኒ ሜያ ዙቴሬ እጣቤሲሰ ጌኒ ካዮሰቱ ሰናና፤ ኤሰ ባር ደይ ሄፕሳኒ ክቱሰዋ።»

ጋድዶ የሩሳሌም

9 ኮእኒ ናፋን ቤቶሲክቶ ቱምና ናፋን ቶፎሲክቶኖን ኤጰ ሀኦሲ ናፋን ዋሲያሰን እሳይሰ ያራ፡- «ያፋኒ ፋንቱሳ እሱ ሰንና ማርያኖን ኔክ ቤሱቫዋ» ይ።

10 አያናክ ታን እሳ እኛ ድቻ አማሰታ ኤጰ ታምማ ኮርቶ ካታማ የሩሳሌም ሳማኪ ሀኦሰኪን ኬሬሬን ቤሲ።

11 ካታማሰ ሀኦሲ ኡልፍናክ ቻሬት ፋር፤ ቻሬፍባሲ ቻርሱ አካማ ዋግባ ችማ ሹኦ፤ ብርሊነ ፋ ካይማ እያሰጸድኒ እንቁነ ፋር።

12 አሲሬ ሄፔ ፍኻባ ፋና አካማ ድቻ ግምብኒ ኦጅባ ፋር፤ አሲሬ ሄፔ ፍኺሰሲ አሲሬ ሄፔ ሀኦኒ ዋሲያ የሬፋት ኦደት ፋር፤ ፍኻባሰታ ደይ አሲሬ ሄፔ እሰራኤልኒ ዛላሲክቶኒ ሱና ትቹራ ፋር።

13 አዉኬሰዳክ ኬዝ ፍኻ፤ ዬሽዳክ ኬዝ ፍኻ፤ ካዉዳክ ኬዝ ፍኻ፤ አዉግሩኒዳክ ኬዝ ፍኻባ ፋር።

14 ካታማሲ ግምብኒ ኦጅሰ አሲሬ ሄፔ ካፑትባ ፋር፤ ኤሰ ካፕታሰታ አሲሬ ሄፔ ፋንቱሳ ዋሰኒ ሜኒ ሱናሰ ትቹራ ፋር።

15 ታክ ማኬት ፋ ሀኦሲ ዋሲያ ካታማሶንናዋ ፍኻባሶንና ደይ ግምቢሲ ኦጅኖን ሆእሱና ዋርቂኒ ሃሮባ ፋር።

16 ካታማሰ ደይ ድቻባሴዋ ታግባሴ እሳ ኪጤ አቼቶ ካጃባ ፋር፤ ሀኦሲ ዋሲያ ካታማሶን ሆሱኒ ሃርሲክ ሆሰን ድቻባሰ ሄፕ

ኩምን አቼች ትሬ ኪሎ ሜትር ሰኒ፤ ታግባሴዋ ቲግባሴ ደይ ኤሲሰንን ፋር ሰኒ።

17 ሀኪሲ ዋሲያ ደይ ግምቢሲ ኦጃኖን ሆሲ፤ ሀኪሲ ዋሲያ አርቶ ሆሱሲክ ሆሰን ትሬ አቼቻሰሬ አቼቸ ዋሪያ ሰኒ።

18 ግምቢሲ ኦጃ ዋሱሰቴናሰ እያሰጸድኒ ሹኣሲክ፤ ካታማሰ ደይ ቡርጩቆኒማቶ ካይማ ዋርቄክ ዋሱሰቴር።

19 ካታማሰ ግምቢሲ ኦጅኒ ካፕታሰ ሾዋ ቲሳ ዋግባ ችማ ሹኣክ ኬሽራ ኬቶ፤ ቲሱኒ ካፕታሰ እያሰጸድኒ ሹኣክ፤ ሄፕሳኒሰ ሴንፐርኒ ሹኣክ፤ ኬዘሳሰ ኬልቀድኒ ሹኣክ፤ አቼችሻሰ ሜሬግድኒ ሹኣክ፤

20 ኡሻኒ ሹኣሰ ሴርዶኒክሰኒ ሹኣክ፤ እሱንሳሰ ሴርድዮኒ ሹኣክ፤ ናፋንሳሰ ክርሰትሎቤኒ ሹኣክ፤ ናሻሪንሳሰ ብሬለኒ ሹኣክ፤ እዘግንሳሰ ዌራዉሬኒ ሹኣክ፤ አሲርሳሰ ክርሰጸራሰሰኒ ሹኣክ፤ አሲሬ እሴሰ ያኪንትኒ ሹኣክ፤ አሲሬ ሄፔሰ አሜቴሰጥኖሰኒ ሹኣክ።

21 አሲሬ ሄፔ ፍኛአሲክቶ አሲሬ ሄፔ እንቁባ ፋር፤ ፍኛ እሳርባ እሳርባሰ እሳ እንቁክ ዋሱሰቴር፤ ካታማሲ አሪ ኡግና ቡርጩቆኒማቶ ቻሬፋ አትፋ ካይማ ዋርቄክ ዋሱሰቶ።

22 ዙታምባሴ አሲን ችምፋ ዳማ ሀኪሴዋ ፋንቱሰና ባሪ ቤቴሜቅደሰ ሰነቴ ቦርእ ካታማሲ ቤቴሜቅደሰኖን ኣነ ብዩት።

23 ሀኪሲ ኡልፍና ቻርሲፋና ቦርእናዋ ፋንቱሰ ባሪ ቶና ሰንና ቦርእና ኤሰ ካታማሲክ አዋ ወደይ እሰሳ ቻርሱናክ ኣነ ሾልሲፋ።

24 ዳራኒ ሜያ ባሪ ቻሬፋሲክ ኤክ ሀቻ ኩቱሶን። ዳሰታክ ሬ ታቶኒ ሜያ ኡልፍንቤሲሶን ባርኪ ቴሾሶን።

25 ኤሰ ካታማሰ ዋላ ኣፋ ሰንና ቦርእ ጋማላባሰ ኣጌኑ ኣፋ ኩሉፍቶናዉዛ።

26 ዳራኒ ሜኒ አሪክቶሴዋ ኡልፍናሴ ባርኪ ዮና።

27 አምሱ ሰንና ዉዛሰ እሳንን ባሪሰሲ ኣፋ ግሩናዉዛ፤ ኪና ዉዛ ዛግሬ ባርናዋ ኤሻ ዋል ላ ዋል ሌፌ ባርና ባሪሰሲ ኣፋ ግሩና ዉዛ፤ ባሪሰሲ ግሩኒሰ ሱንቤሲሰ ፋንቱሳ ካኒ ማፃፋሰሲ ትቼና ባሶ ኮእቤሰዋ።

22

1 ኤሴን ኦርፎ ሀኪሲ ዋሲያ ሀኪሰኪንናዋ ፋንቱሳ ዘግምሰኪንና ኬሰፋ ዋሹ ቡርጩቆን ፋ ካኒ ዋርእ እካሶን ታክ ቤሲ።

2 ኤሰ ዋርእ እካሰ ካታማሲ አሪ ኡግናሲ ጋንሲ ካዋ ዋርኤት ፋር፤ ዋርእ እካሰ አልዳሰታክናዋ ሆእታሰታክና አሰሳ አሳሲክ

ጋነት ዋጋሰን አሲሬ ሄፔ ዋል ላ ጋና ጋንፋ ካኒ እኦ * ፋር፤ ኤስ እኦሲ ቶሻ ደይ እሱኒ ሜያኖን ፋትር።

³ ሀንኔን ኤካሎ እሳ ኤርዊያ ኣፋ ፎና ወዛ፤ ሀኦሴዋ ፋንቱሰና አሲ ዝግሞ ካታማሰቱ ሰናና። ዋሰትኛኒ ሜያ ደይ ሀኦሶን ሺጵሶነ።

⁴ ባሶ ደይ ሰንባሶን ብዮነ፤ ሱንባሰ ደይ ሰንቤሰ ሰንቤሲሰታ ፎና።

⁵ ሀንኔን ኤካሎ ዋላ ኣፋ ፎና ወዛ፤ ዳማ ሀኦሲ ባሶክ ቻርሱና ሰንና ቦርእ ቻርሱኒ ወዛ ወደይ አዉኒ ቻሬፋ ኣፋ ሾልሱና ወዛ፤ ኮእባኔን ኮእባ ፎንቶኖን ታትቶሶነ።

የሱሰኒ ዋል ሌ ዮ

⁶ ኤሴን ኦርፎ ሀኦሲ ዋሲያ ኤካ ይ፡- «ሀን ካማሲክቶ አማናሞቶ ደይ ፋቶዋ፤ ራጁኒ ሜያኖን ዋሉሞሲፋ ዳማ ሀኦሲ አያና ታኦ ዋናሰ ሰንኒ ወዛሶን ዋሰትኛኒ ሜያክ አምማኖን ቤሱክ ዋሲባሶን ዋሲ።»

⁷ የሱሰ ደይ፡- «ኤሴ! ታ ታእኒን ዮና፤ ሀን ማፃፋሲ ራጅኒ ካማኖን ኦድፌ ባር ሱሰቶዋ!» ይ።

⁸ ሀን ወዛሲክቶኖን ኦደናይሴዋ ቢናይሴ ኤስ ወዛሲክቶኖን ታክ ቤሲ ሀኦሲ ዋሲያክ ሳጋዶናክ ዋቐባሲ ሲካሎሲ ጋንደን።

⁹ ሱኑንታኖ ሀኦሲ ዋሲያ፡- «ቤይዋ፤ ሀን ባሮን ዛጉታታዋ! ታ ኔኔንናዋ አይኔሳክቶኔንና ደይ ራጅኒ ሜያኔን እነ ሀን ማፃፋሲ ካማኖን ዛግሴፌ አሱኒ ሜያኔን እነ ዋሰትኛዋ፤ ሀኦሲክ ሳጋዶዋ!» ይ።

¹⁰ ቱሰራ ደይ፡- «ዋናሰ ታእ ሰንና ቦርእ ሀን ማፃፋሲ ራጅኒ ካማኖን ማታማክ እቻ ኩልፋታታዋ።

¹¹ ሀንኔን ኤካሎ ማንኛሰ ማጃት ሀሞ፤ ኪንፌ ባር ደይ ኪነት ሀሞ፤ ኦኮሰ ደይ ኦኮ ሰነት ሀሞ፤ ኮርቶሰ ደይ ኮርቶ ሰነት ሀሞ» ይ።

¹² «ኤሴ! ታ ታእኒን ዮና! እሳርባ እሳርባሲክ ዋሰቶባሲማቶ አማና ዋጋሶን ኩሹናሰሲ ኤጳቱ ፋኒ።

¹³ አልፋነዋ ኦሜጋነ፤ ሰናት ባርናዋ ኦርፎቲ ባርና፤ ቱሱኒሰናዋ ኮእኒሰና ታዋ።»

¹⁴ ካኒ እኦሲ ጋናኖን ሙክናዋ ፍኝባሰሲ ካሞ ካታማሰሲ ግሩክና ማብትቤሰ ፎናክ ማምቤሲሶን ሜእሴፌ ባሶ ሱሰቶዋ።

* 22:2 እሳ ካኒ እኦ ኡግናሴዋ አካሴ አሲ ጋነሲ ዲፋር።

15 ካንኒማቶ ኮጉትፌ ባሶ፤ ቶልፋቱኒ ሜያ፤ ጌርኬሴፌ ባሶ፤ ካዎሪፌ ሜያ፤ ኮሎ ሺጵሴፌ ሜያ፤ ኤሻ ወዛሶን ሹነፌ ባሶትናዎ ኤሽኒ ኡግናሲክ ሀሜፌ ባሶትና ካታማሲ ጌራካሎቱ ሰኖ።

16 «ታ የሱስ ሀን ዛላሶን እማናክ ሀኦሲ ዎሲያኖን ሾዎ ቤቴክርሰታኒሲክ ዎሰን፤ ታ ዳዊትኒ ኮንቶኒ ቱዝነዎ ዛልነዎ፤ ደይ ቻርሲፌ ዎን ኒ ማሰኮሰ ታዎ።»

17 ኮርቶ አያናሴዎ ማሪያሴ «ዮዋ!» ኡሶን። ኦደፌ ባር ደይ «ዮዋ!» ኡዎ፤ እክቴ ባር ደይ ዮዎ፤ ሾሌ ባር ደይ ካኒ አካሶን እሳ ዋጋ ካሱኖይ ባክ ኡሾ።

18 ኤሴ፤ ሀን ማፃፋሲ ትቼ ራጅኒ ካማሶን ኦደፌ ባሪን ዙትራ ቴትንትሶን አሩት ይፋወኙዎ፤ ኦኑ ሀን ካማሰታ እሳ ወዛ ዳይሰፋናን፤ ሀን ማፃፋሰሲ ትቼራ ፋ ቤቶሶን ሀኦሰ ባሳሰታ ዳይሱና።

19 ኦኑ ሀን ራጅኒ ማፃፋሰሲ ትቼ ካማሲክቶሰን እሳሮን ዮእግፋናን፤ ሀን ማፃፋሰሲ ማክቴ ካኒ እኦሲ ጋንሲንናዎ ኮርቶ ካታማሰንና ሀኦሰ ባሳ ሃኦሶን ዮእጉና።

20 ሀን ወዛሲክቶኒ ዛል ሰና ባር፡- «ኣ፤ ታእኒን ዮናዎ!» ይፌ።

እሚን፤ ማራናታ ዳዎ የሱሰኖ ታእኒን ዮዋ!

21 ዳዎ የሱሰኒ ኦትማሰ ንቶ ዙታምንትሰኔን እነ ሰንፋውኻ!! አሚን።



The New Testament in the Yemsa language of Ethiopia, Ethiopic script

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

03dcb1ff-0ef6-5f0e-a777-31ea8d578ea7